

KWIITILA JESU AA CILAO

 Tula bala Ijwi lya Mwami. Mu Makanimabotu aa Matayo, i—i cipati 8, kutalikila kampango ka 23, tula bala boobu:

Elyo cindi na kanjila mu bwaato, basikuuya bakwe baka mutobela.

...mpawo, kwakabuka guwo pati mu lwizi, cakuti bwaato bwaka vumbwa a mayuwe: pele wa kali koona.

Elyo basikuuya bakwe bakasika kuli nguwe, a kumu sinsimuna, kwaamba kuti, Mwami, kotu vuna: twa loba.

Elyo waka baambila kuti, Nkaambonzi ncomwa kanduka, O nywebo basilusyomo luniiini? Mpawo wa kabuka, a kutapatila myuuwo a lwizi; elyo kwakaba kubatama kupati.

Pele muntu waka gambwa, kaamba, Ino musyobo uli buti wa muntu oyu, kuti ayalo myuuwo a maziba zila muswiilila!

² Atu kotamike mitwe yesu lino ku mupailo.

3 Taata wesu Wakujulu, tuli kkomene kapati sunumasiku kuziba kuti oyu Umwi mupati Oyo upanga myuuwo a lwizi lwaku Mu swiilila ula ndiswe. Tuli lumbide kuti tu jisi kamboni oyu mupati wa baumi Bakwe nekubaboobo sunu, a kuziba kuti Ngu Uutamani, alimwi Ta konzyi kufwa. Ula pona kwalyonse, alimwi wa tondezya luse Lwakwe lupati kuli ndiswe, bana ba muntu mu mazuba aya. Tuli bantu babulide, Mwami, babulide loko cakuti taakwe muntu uumbi uukonzya kukkwanya kubula kwesu pele Nduwe. Aboobo tula Ku langila sunumasiku kuboola mu kubungana kwesu okuno, a kuli zibya Lwako kuli ndiswe, ku kujatila zibi zyesu, ku yungizya lusyomo lwesu, Mwami, a kuponya malwazi esu a mafwabi. Elyo cindi twa unka ku maanda esu, sunumasiku, akube kuti tu kkomane, kabaamba mbuli baabo kuzwa ku Emau, “Sena myoyo yesu tiiyali kupya muli ndiswe mbuli Mbwali kwaambaula kuli ndiswe mu nzila?” Nkambo twa cilomba mu Zina Lyakwe. Ameni.

Inga mwa kkala.

⁴ Ndi tandila mbuli Zakayu; zintu ezi nzifwaafwi loko kuli ndime. Ndi yanda kukanana kuli ndinywe kwa kaindi buyo kaniini lino katutana kukombela balwazi. Ku mulumba ku kubelekela antoomwe kwanu kubotu, a kusyoma mu Muuya, busiku bwainda, kuciindi notwa kali kukanana, kusyoma kuti kuyooba kutilwa kupati kwa zilongezyo Zyakwe.

⁵ Lyoonse amuyeeye eco ncotuli waano, nkusola kuyungizya lusyomo Iwanu mu Busyu Bwakwe, kuti inga watambula eco nco lomba. Mpawo, ku lusyomo, ula syoma.

⁶ Lino, amuyeeye, kufumbwa cilongezyo calununuko cakaulwa kale. I muulo uli bbadeledwe, kuli nzila yomwe biyo njoya kusola kukonzya ku citambula, nku cisyoma a ku cizumina. "Walo Mupaizi Mupati waku lyaambilila kwesu." Iba Hebrayo balati awo, lugwalo lwa Bahebrayo, lwaamba kuti, "Walo Mupaizi Mupati wa kwaamba kwesu." Kwalo kwaamba, aku lyaambilila, ncintu comwe, mubwini. Aboobo tu... Walo Mupaizi Mupati waku lyaambilila kwesu, nkikaako Ta konzyi ku tucitila cili conse kusikila lutaanzi twa lyaambilila kuti Wa kacicita. Elyo mpawo cindi twa caamba, mpawo Walo Mupaizi Mupati, sikwiiminina, kuya ku kubeleka ali ceeco a kucibamba kululama. Aboobo twa komba, kusyoma muli Leza sunumasiku, mu luse Lwakwe a luse, kuti Uyo tupa luzyalo Lwakwe lunji, sunumasiku. Elyo lino, amuyeeye, mweelede ku cizumina.

⁷ Lino tuyo kombela baciswa katutana kuzwa, kubikka maanza ali mbabo, pele Ndi lombozya kuti inga waba a lusyomo lukubwene to elede kuba a ceeco. Ndi lombozya kuti mutambike buyo a kwaamba, "Mwami Jesu, Nda Ku syoma. Ndi—Ndi..." Walo usyoma Ijwi.

⁸ Lino, mwabona, Leza ulandeene kuzwa ndiswe. Ikuti—ikuti na inga twaamba cintucimwi kuli nduwe cakucita, nkabela to cisyoma, ee, inga twaamba kuti, "Baleke balikke. Ta beeleder ku cisyoma." Pele oyo tali Leza Taata wesu. Ula zumanana kucita cintucimwi cimbi caku kubamba kusyoma. Uli mukusola kubamba Ijwi Lyakwe, alimwi Uyo bamba Ijwi Lyakwe.

⁹ Lino kaambo Ncali mukucita zintu ezyo Nzyali mukucita eno, nkaambo kakuti Wa kasyomezya ku zicita. Kutali kuti We elede kucicita; pele Wa kasyomezya kucicita, alimwi ako nkaanzambwene kesu kuti lyoonse Ula bamba cisyomezyo Cakwe.

¹⁰ Lino umwi aumwi wanu, cindi mwa ciswa, bayandwa, abamwi bambi, bamba, ikuti na taba konzyi...mbuli musimbi muniini awa, walo muniini loko, alimwi uli mucimo eco mbwabede; buyo cindi wasyoma, bikka maanza aka aa mwana kuciindi kuswaangana noku citika. Bamwi, abo bajisi bayandwa, mu moyo wako mula bayeeya; ku lusyomo lula basumpwida nkoonya kumbele lya Leza, mu mupailo. Lino, elyo, nkikaako, mpawo amusyome. Cindi cintucimwi cacitika, nyewebo...

¹¹ Yebo tokonzyi kulibamba lwako kusyoma. Yebo, ngu cintu cimwi, ngu bube obo buli muli nduwe. "Lusyomo ncintu," kutali kulicengeezya buyo. "Ngu cintu ca zintu zilangilwa, citondezyo ca zintu nzo syoma, nkabela toboni." Elyo zyoonse, zikwabilizyo zya Bunakristo eno, amuyeeye, nkwiinda ku lusyomo. Zyoonse zigambyakwiinda, luyandisyo, lutangalo, luumuno, kukkazikamoyo, bubotu, lubombo, lukakatilo, ezyo zintu zyoonse zitabonwi. Eco ncilwanyo coonse ca Bunakristo.

I Munakristo lyoonse ulalanga ku zintu nzya taboni, nkaambo ula ngide ku cisyomezyo.

¹² Okuno ciindi cimwi cainda, myaka minji, Nda kaitwa aa cilao, ciindi cimwi, mu cibbadela, kuyo kombela mulombe oyo wakali kufwa, kajisi cilwazi citegwa blaki difiteria. Nda kabalulula eci ziindi zinji, mukuti nkaambo kabotu loko kuli ndime. I bawisi mubwini bakali bantu bakakomena, a banyina. Elyo oyu mwaalumi mukubusy i wakali kutandila myaka ili kkumi ayone yakukomena, Nda yeeyela, alimwi wa kali mwana wabo alikke. Elyo wa kali kufwa, ku cilwazi cakaneneno cipa kufundilila, acintucimwi cakacitika ku moyo wakwe. Wa kali wizukide. Elyo bakali buyo... Walo buyo, oh, kuponena buyo—buyo mu buyumuyumu; Nda luba obo moyo wakwe—wakwe mbuwa kabede; mulimo wakuyoya wakali uubaikide loko.

¹³ Elyo taata mudaala waka zumanana kuswaya muswaangano, a kulombelela, kubona mwendelezi, a bantubonse. “Amuboole, amukcombe! Amuboole, amukcombe! Nku koonse, amuboole buyo ku cibbadela a kukomba.”

I mweenedelezi wakati, “Amu mulete ku muswaangano.”

¹⁴ Kati “Ta tukonzyi kumu zungaanya kuzwa ku cibbadela. Uli mukufwa.” Elyo kati, “Ikuti na Mukwesu Branham waboola buyo, lomba Leza, Leza uyo cipa.”

Nda kayeeya, “Ino ndusyomo!”

¹⁵ Nda kaunka ku cibbadela, nkabela bamadokotela tiiba kandi zumizya kunjila. Ba kati, “Peepe, uli mwaalumi uukwete, uli jisi bana.” Billy Paul wakali muniini kaindi. Kati, “To konzyi kunjila,” kati, “nkaambo ujisi mwana.”

¹⁶ Elyo Nda kati, “Lino, Nda kamvwa kuti dokotela lwakwe wakali Katolika.” Nda kati, “Ikuti na mupaizi wakali kuyanda kupa mapolelo aa mamanino ku mwana, ikuti na ngwa Katolika, sa inga wa muzumizya kunjila?”

¹⁷ Kati, “Olo ndo lwandaano. I mupaizi ta jisi bana.” Mwabona? Kati, “Uyo pa nseke ku mwana wako.”

¹⁸ Elyo Nda kati, “Pele, langa, munene. Andi bweze mulimo. Ndiyo saina pepa. Ndiyo bweza mulimo. Ikuti na Nse jisi lusyomo lukubwene lwa kunjila omuya mpawo kuli ceeco, Nse jisi mulimu wa kunjila, busena butaanzi.” Nda kati mpawo, “Pele Ndiyo bweza mulimo.” Elyo Nda kati, “Ko ciyeeya lino, ikuti na mulombe oyo wakali muna Katolika, nkabela wakali kufwa; elyo sa inga wacita, kwiinda kunzila ili yoonse, kulesya mupaizi kuzwa ku kumupa cilengwa cabukombi camamanino ca mbungano?”

Wa kati, “Peepe, inga Nse cita ceeco.”

¹⁹ Nda kati, “Nda amba kunji buyo kuli mbabo mbuli mupaizi mbwa cita ku Katolika.”

²⁰ Elyo wa kati, “Ncibotu,” elyo wa kazumina kumalekelo. Wa kandisamika mbuli Ku Klux Klan, wa musyobo umwi, musyobo oyu oonse wa zintu ali ndime, a—a kundi bikka omuya ku mulombe oyu muniini, kafwa.

²¹ I banyina a bawisi bakafugama ku lubazu lumbi. Elyo Nda kakomba mupailo buyo muubauba mubombe, “Mwami Jesu, Nda Ku syoma kuti ubusye oyu musankwa, aa ya bawi—... mbaakani ya lusyomo lwa bawisi a banyina,” a kubikka maanza angu aa mulombwana muniini. Wa kali wizukide otatwe, kutandila mazuba otatwe, Ndila syoma, akuyoya kuniini ncobeni. Elyo Nda kaima, kati, “Ameni.” Kakomba kwa kaindi kaniini, a kubuka.

²² Elyo taata mudaala waka bweza banyina mu maboko akwe, a kuti, “Ko ciyeeya, oyandwa, mulombe wesu waponesegwa!” Taakwe citondezyo ca ncico nokuceya. Elyo bakali kugwambatilana buyo umwi aumwi, a kulumba Mwami.

²³ Elyo mwana muniini wa narsi, mulindu muniini, mubwini, waa kali kutandila myaka ili kkumi alusele, makumi obilo yakukomena. Wa kajisi kalembo kakwe ka bunarsi, alimwi waa...na, waa kali narsi wakali wakazwa kumanizya. Elyo waa kati, “Munene, Nda yoowa kuti to mvwisyi.” Waa kati, “I mulombe uli mukufwa.”

Wa kati, “Oh, peepe. I mulombe uyo pona.” I taata wakacita.

²⁴ Elyo kati, “Mboluti mbo konzya kulilemeka mbuli boobo, alimwi yako...uli zyi mulombe wako uli mukufwa, kunsi lyamuyeyeo wa bubeji mbuli mbo kapegwa?”

Kati, “Obo tabuli bube bwalweeno.” Wa...

²⁵ Waa kati, “Langa.” Lino inga Nda... Inga kwaba dokotela uukkede uuliko. Ta ndizi eci kujatikizya musamu, a zibelesyo zya masilike. Ba kamupa musyobo umwi wa nkamu ya basilisi, a moyo wakwe wakali uubaukide loko. Wa kali uubaukide kwa ciindi eco cilamfu. I dokotela wakati...I narsi wakaloolola dokotela, wakati wa... “Eco tacina zibwa mu makani akale, ikuti na moyo wasola kuduntaanina ansi boobo, kuli nguwo kuti usole kubukuluka.”

²⁶ Nse kalubi kulanga kwa mudaala. Mulombwana muzyali wacipati wakeenda kumbele akubikka janza lyakwe aciwezo ca narsi muniini. Wa kati, “Mucizi,” wa kati, “wabona, uli langide ku chaati eyo.” Kati, “Nku koonse nkozi, nku langa ali ceeco. Pele,” kati, “Ndi langa cisyomezyo ca Buleza.”

²⁷ I mulombe ngu missionari mu Africa eno, ujisi bana botatwe. Mwabona? Mwabona? Ciya ali ceeco nco langide, mwabona. Wa kasyoma.

²⁸ Lino, olo ndusyomo ndulonya, “Ikuti na Uyo boola kubikka maanza Aako aa mwana wangu.” “Ikuti na Uyo amba Ijwi,

mulanda wangu . . .” Mwabona, eco ncintucimwi nco jisi. Yebo—yebo . . .

²⁹ Mpawo tii cakali—cakali kusama mucito. I mulombwana mudaala wakasyoma eco. Wa kajisi Cintucimwi.

³⁰ I mwanakazi oyo wakaguma cikobela Cakwe. “Ikuti na Nde elede buyo kuguma cikobela Cakwe!” Nce ncico. We elede kumvwisya kujata lusyomo olo, kunsi kwa moyo wako. Cili buyo mbuli nduwe kwaamba . . .

³¹ Yebo ulizi, yebo o muntu, ikuti na uli—ikuti na uli musyobo uululeme wa mulumi, takukwe mwanakazi mu inyika oyo ngo yanda mbuli mukaintu wako. Inga kwaba banakazi bambi babotu kwinda. Inga kwaba banakazi abo banga—banga baba i—i—i banakazi babotu kwiinda, a zimwi zimbi. Pele cintucimwi, ikuti na ula muyanda ncobeni mukaintu wako, kuli cintucimwi omuya ncotaboni obo mbwa boneka. Ula muyanda. Elyo to—to zyi kaambo, pele ula muyanda. Elyo, banakazi, yebo mbubonya ku mulumi wako. Yebo, ula yanda. Elyo nywebo no basimbi bakubusyi ku beenzinyoko mulombe; beenzinyina baku musimbi. Ikuti na waka swaana muntu oyo ngozi kuti ula yanda, kuli cintucimwi mukati omuya ulizi kuti ula bayanda.

³² Ee, eco nce cintu nciconya mbo cibede ku lusyomo. Nywebo mulizi kuti ciyo citika. Takukwe cimvule, takukwe makani na mbangaye bayo amba kwaimpana; uci syoma cintu nciconya, nkaambo olo ndusyomo, lwini ncobeni. Lino kuba a ceeco sunumasiku, kuciindi notu kanana aa ciiyo eci.

³³ Nda kaamba kunji loko, alimwi ndakali mu miswaangano kwa ciindi cilamfu loko eno, Tii ndaka jisi kuyozya, nokuceya, kuzwa Krisimasi. Elyo Nda aangide jwi aniini mu kameneno kangu, kuzwa kukucinca bube bwaciindi, a ciindi, azimwi zimbi.

³⁴ Ndi yanda kukanana kuli ndinywe sunumasiku aa ciiyo ca, “amusinsimune Jesu,” na: *Kwiitila Jesu Aa Cilao*.

³⁵ Kuzwa ku kubala kwesu kwa Lugwalo, tu jana kuti kwakali muswaangano mupati. Jesu wakali kuunka koonse, kacita zigambyo zipati, lyoonse kacita cibotu, a kwalo kucita eco cibotezya kuli Leza. Wa kabotezya Leza lyoonse, pele Ta kali botezya Mwini, Bbaibbele lya kaamba. Elyo tu jana kuti Wa kalizibya Mwini cakumaninina, Obo Mbwa kabede, kwiinda ku milimo Yakwe. Milimo Yakwe yaka zibya Obo Mbwa kabede.

³⁶ Elyo bubotu bwakazwa kuli Nguwe. Wa kali kuyiisya zikozyano, buzuba boonse, a bubotu bwa kazwa muli Nguwe. Elyo Wa kajisi . . . kali kuyo landuka lwizi, koonse, okuya ku lubazu lumbi. Kwiinda mukuba obo Mbwa kabede, Wa—Wa kalizi kuti kwakali mulimo mupati kumbele, ku lubazu lumbi. Elyo Wa kali katede loko. Bubotu bwakazwa muli Nguwe, buzuba boonse, kufumbwa kuti bantu baka Mu guma kwiinda

ku lusyomo lwabo, ku Mu syoma, abumwi bumbi. Elyo Wa kajisi...

³⁷ I nguzu zyaka Mu siya, alimwi Wa kali katede. Aboobo Wa ka jokela kusule lya bwaato a kulala aa pilo, Lugwalo lula twaambila kuti, kuba akulyookezya kuniini kuciindi bwaato nobwakal kuzabuka lwizi, kulanduka Lwizi lwa Galilaya, coolwe ca kulyookezya kuniini.

³⁸ Basikwiiya Bakwe bakabweza ziyambyo zyabo, bakaimikizya zya keenzya, alimwi mbuli buyo basimaato mbo banga bacita. Balo, oyo nje yabo, bunji bwabo, ncito yabo. Ba kali bazeli banswi okuya ku lwizi, alimwi—alimwi ba kalizi nzila ya kweendelezya maato aya. Elyo ba kali kusule ku ncito yabo, kuba buyo a ciindi cibotu cakutangala, ciindi ca jubibili, antela kwaambaula makani a zintu ezyo zyaka citika buzuba obo.

³⁹ Nyewebo mulizi, kuli cintucimwi kujatikizya ncico, cakuti cindi twa bona Mwami wesi Jesu kacita zintu, alimwi kukonzya kuziba kuti Nguwe, kuti taakwe cimbi cikonzya kucicita cita Nguwe, tu buyo... Cindi twa boola antoomwe, tu buyo... Bantubonse bayanda kulungulula. Bantu boonse bayanda kwaamba cintu cimwi, alimwi bayanda kwaambaula kujatikizya ncico. Inga waba a lubukulusyo ku mbungano yanu; mweembeli inga waamba mulumbe mubotu loko, na muvangeli, na kufumbwa mbwanga waba; na inga wabona cintu cimwi cacific, na cintucimwi mu masena aengelede, muntu umwi wakaponesegwa. I basimukobo bayo boola antoomwe a ku cikanana. “Mbo cakali cibotu! Sa wakaliko? Wa keelede kucibona. Ca kali cintu cibotu kapati.” Kuli cintucimwi kujatikizya milimo ya Leza eco cibotelezya moyo wa muntu kwiinda cimwi cimbi eco cicitika. Kuli... Lwalo nduzibo buyo lutapimiki cindi twa boola mu kukwabana a Mwami Jesu a kubona zintu ezyo Nzya cita, zipati loko a zigambya loko nzila Zyakwe.

⁴⁰ Lino tu jana kuti bakali kutangala ku milimo eyo yakacitwa mu lubukulusyo lwa buzuba obo, elyo antela inga Nda tukozyanisya, sunumasiku, mu ciyanza nciconya.

⁴¹ Lino twa kazwaa kupa bumboni bumwi bwa lubukulusyo lupati maningi, Nda syoma, kuti inyika yasola kubona, mu myaka eyi yamanano ili kkumi, kkumi ayosanwe. Lwa kali i—i lubukulusyo, kutali buyo mbuli mazuba aa Billy Sunday, na mazuba aa lubukulusyo lwaku Welsh, na mazuba aa—aa lubukulusyo lwabana Wesleyani, na lubukulusyo lwa Moody, na lubukulusyo lwa Billy Sunday, ayo akali makani kafumpa nyika mbiizulwa, kuzunguluka inyika. Miswaangano mipati ya kuponya a mililo mipati ya lubukulusyo yakayaka mubwini acilundu okuya mu nyika. Nkoonya sunumasiku, kulaale okuya mu masi aa Africa, kumusanza mu China a Japan, aya Makanimabotu ali muku kambaukwa, elyo bantu

bali mukuponesegwa akaindi aka nkakonya, kuzunguluka a kuzunguluka inyika. Cali cimwi ca lubukulusyo lupati maningi, nkaambo, Nda syoma, ndumwi lwa lubukulusyo lwa mamanino nyika eyi iyo bona, lubukulusyo lufumpa lwa nyika.

⁴² Pele lino, mu myaka misyoonto yainda, caka tontozegwa. Tamu boni kuyandidisya mu bantu, oko kwakaliko.

⁴³ Nda yeeya kuba a coolwe, kwiinda ku Muuya Uusalala, ku mutwe wa sumo olo lubukulusyo olo lwa katalika, cindi oyo Angelo wa Mwami nakabonekela aa mulonga a kwaamba ceeco, kutandila myaka minji yakainda. Elyo ku cibona kacicitika, a kubona cakapa myoyo ya bakutausi, koonse, lubukulusyo lwaka mwaika. Baa, inga weenda buyo mu buyake, a bantu kuzwa ku tulo twabo a zibwezelo zyabalwazi, a kuzwa, kaponya. To keelede akwalo kwaamba bbala lyomwe. Buyo—buyo mukuba okuya, nku koonse caka kkopwa.

⁴⁴ Nda yeeya busiku bumwi mu Vandalia, Illinois. Nda keenda mu muswaangano, alimwi nse kalinaba mu muswaangano maminiti osanwe, alimwi kwa kanyina muntu waakompeme mu busena, buli boonse. mawiluceya akgusigwa akulundikwa. Boofu bakali kubona, a musinkematwi a syataambi kukanana, a—a mbubonya buyo... Muuya wa Mwami wakaliwo, alimwi Wa kaponya biyo nkamu yoonse yabo. Lino nce cindi nokonzya kucita cintucimwi, cindi lubukulusyo noluunka. Pele lekela lubukulusyo olo mulilo ukafwe kunsi, mpawo inga wacita.... I bantu bacili Banakristo, pele tabali muku kubukulusigwa mu Muuya oyo, obo bube upati bucita cintucimwi.

⁴⁵ Cili buyo mbuli mu eigebeenga, mu cintoole ca mufuzi. We elede kubamba lubulo kupya kutana talika kuloonda acoondelo calubulo. Ikuti na tociti, toka coololi.

⁴⁶ Elyo nce ncico nco citola kuba a lubukulusyo, bantu boonse bali kunsi lya kupya kwa Muuya Uusalala abo baka selusya inguzu zya Leza a lubukulusyo kalweenda. Mpawo kuli miswaangano ya mipailo yuunka, isikati a masiku, miniti lyoonse, ku masena oonse. Baa, bantu tiiba kali kuzwa mu masena!

⁴⁷ Nda yeeya mu Jonesboro, Arkansas, cindi Ne kasaanguna kutalika wangu...kutandila muswaangano wangu watatu. Lutaanzi mu St. Louis, elyo mpawo kuli Corning, elyo mpawo kumusanza ku Jonesboro. I pepa lyalembwa, “Bantu bali zyuulu zili makumi obilo alusele mu muswaangano.” Kwa mamaile ali makumi obile na makumi otatwe kuzwa ku dolopo, akali buyo matente akabambwa. Inga tojana ng’anda ya mpulasi ya kweendela mo, dolopo liniini lya Jonesboro. Elyo bantu kaba boola kuzwa mamaile, kababweza lambe, kabeenda kwiinda mu masaka, kujata i—i bbasi a kuboola.

⁴⁸ Nda kakkala mu nkanda mangolezya amwi, kandikomba kuswaangana kakutaninga talika, elyo Nda kabona balindu

bakubusyi kaba boola a mabbusu abo a masookesi kunsi ly a maboko abo. Mpawo kabatana kusika okuya, balaima akupukuta kasuko kuzwa ku matende abo, a kusama masookesi abo a—a—a mabbusu, a—a kwiinka mu muswaangano.

⁴⁹ Elyo Nda kababona kaba bikka bana babo bacisidwe kunsi ly a myootokala ya kkofoni yakaindi, a kukkala okuya isikati a masiku; kuli vumbilila mapepa a zitente, kuciindi niyakali kuwa, guwopati kalyuunga; kutali kusiya busena bwabo, kulindila buyo kunjila mu buyake.

⁵⁰ Mpaawo boofu mpo bakali kubona, basinkematwi bakali kumvwa. Elyo mulimo, sunumasiku, ngwa mamaile ali mwaanda kwiindilila ceeco, pele mililo ya lubukulusyo yafwa ansi.

⁵¹ Amubone bantu kaba tanta okuya a kwaamba... Kutondeka buyo munwe wako, a kwaamba, “Ee, sena ula syoma, mukwesu?” Kwa mana, wa kali kubusena a kuunka. Nkukoonse kwa keelede kucitwa. Ba kasyoma. I lubukulusyo lwakali kweenda.

⁵² Lino, aba basikwiya baka bona ceeco, alimwi mu ciimo cabuyumuyumu kuciiya kuti bakali kupona lutangalo, kuciindi Jesu nakali kulyookezya, eco ncoba kabona kucita buzuba obo.

⁵³ Elyo Ndi yeeya kuti lubukulusyo lucita cintucimwi mbuli ceeco, kuti lino tu pona buyo mu ciindi cakutontola, kuciindi Na lyookezya ndiza akati ka miswaangano, na lubukulusyo a Kuboola Kwakwe. Elyo tuli mukutangala ku zintu ezyo nzyo twa kabona kucitwa kuciindi ca lubukulusyo olu, milimo mibotu a mibotu. Tacikwe makani eco nyika nco yaamba, tu cibona kacicitwa! Ngu kaambo, ngu tusimpe, ca kacitwa.

⁵⁴ Kweelede kuti bakalya coolwe, kuciindi nibakalikweenda kabotu loko, kwaambaula zya Nguwe, kujatikizya micito Yakwe, kujatikizya kutaminina Kwakwe, kujatikizya Bumesiya Bwakwe. Bunji bwabo ndiza bakali... kuli basikwiya aba, kwayanda bakaamba eco ncoba kabona cakacitwa, umwi kuli umbi.

⁵⁵ Mboli buyo mbo tucita, kuciindi ca lubukulusyo ku Shreveport, kuciindi ca lubukulusyo ku—ku dolopo limbi, tuyu ambaula kujatikizya ncico.

⁵⁶ Lino eyo nje nzila mbo bakali kucita. Nda wakali Simooni, mboli mbo twa kali kwaambaula masiku ainda, kwaamba, “Ee, cindi Andreya naka ndaambila kujatikizya Nguwe, Nda kali sikudonaika aniiini buyo aniiini. Pele cindi Na kandaambila kuti Nda kalini alimwi kuti bataata bakali bani, abo baka gwisya zyoonse kuyeeylea kuzwa kuli ndime. Nda—Nda kacisyoma mpawo.”

⁵⁷ Kwayanda wakali kuti Filipo nakati, umwi wa umwi umbi; kwayanda wakali Andreya wakati. Twa kaambaula kujatikizya mulindu ku mukalo, masiku ainda. Kwayanda bali kwaambaula kujatikizya nguwe, cindi niba kaamba cintucimwi

mbuli ceeći, "Bakwesu, nywebo mulizi, kwalo ciindi cangu ceenzu nicakaliko, kwalo Nda—twa kainka kuyoula zya kunywa a zyakulya. Elyo twa kajoka elyo twa kaliimvwi aanze lya ziteo, a ku Mu bona kaambaula ku mwanakazi oyu wampuwo mbi. Twa kayeeya, mu myoyo yesu, 'Ino kuti bapaizi bamwi bayo boola a kubona eci, simalela wesu kaambaula ku mwanakazi wa musyobo oyu, ino inga baamba nzi kujatikizya Nguwe?' Elyo mpawo tula yeeya nzila mbo twa kaziba, kuti caka jisi kaanzambwene muli Nguwe, kuti cakali ca bukanze bumwi obo Mbwa kali kukanana kuli nguwe.

⁵⁸ "Elyo mpawo cindi Na kamwaambila, 'Koya kalete mulumi wako muboole okuno.' Elyo waa kati, 'Nse jisi mulumi.' Obo myoyo yesu mbo yakasotauka, nkaambo twa kayeeya kuti kuli ciindi cimwi kuti kuli kukakilwa. Jesu wakaambila mwanakazi oyo ngwa kajisi, koya ukalete 'mulumi wako,' kakuli ta kajisi mulumi. Sena mulayeeya kubonekela nkotwa kajisi kumeso aumwi aumwi mbuli mbo twa kagamba, kuyeeya kuti konse kaanzambwene notwa kajisi muli nguwe, alimwi mpaawa kwaceya cakufwambaana?

⁵⁹ "Mpawo tu jana kuti, mpoonya biyo Wa kaambaula a kuti, 'Wa amba bwini, nkambo wakali jisi balumi bosanwe, a oyo ngo jisi lino tali wako.'

⁶⁰ "Mpawo cindi naka Mu ziba mpawo mbuli Mesiya, i Mesiya wa Leza, a kwaamba okuya, kuti, 'Tu lizi kuti Mesiya ulaboola. We elede kuba Musinsimi, nkambo tu lizi, cindi Mesiya aboola, Uyo cita ceeći.' Elyo bumboni mu muunzi oyo, bumboni bwa mwanakazi oyo kwa kajisi nguzu abantu ba muunzzi."

⁶¹ Mpawo kwayanda wakali Johane muniini wakati, "Nywebo mulizi, Njo mwaambila eco caka cibamba kasimpe kuli ndime, buzuba obo cindi Na katyola cinkwa. Lino, toonse twa kafwide nzala, alimwi Wa kaunkide mu nkanda, elyo tii twa kakonzya ku Mu jana, elyo okuya twa ka Mu swaana. Elyo makamu onse akaboola koonse, alimwi, cintu citaanzi mulizi, tula Mu jana kaamba kuti, 'Amuba tumine kuya ku munzi, kuyo jana cakulya cimwi.' Elyo—elyo Wa katwaambila 'kubasanina' mpawo. Elyo Wa kabweza ayo mabbisiketi osanwe a nswi zyobilo ziniini, nkabela Wa katyola eco cinkwa. Elyo Nda kabona janza Lyakwe cindi Na kali kuyosika ku kabeela kambi ka cinkwa, oyo mabbisiketi wakakomena alubo. Elyo mpawo cindi Na katambikizya kusule, wakai bikka mu mutiba, mpawo wakatambikizya kusule, eyo nswi yaka komena alubo. Kutali biyo nswi yalyoonse, pele yakali nswi yakajikidwe, mwabona, yaka josegwa kale alubo.

⁶² "Ino musyobo nzi wa atomu Ngwa kaangulula, bakwesu, nswi zижидве, зинка зижидве, квейнгелука кукомена? Elyo twa kalizi kuti Wa kali Cilenga, pele mpaawa Uli mukupanga bulenge bwa nswi zижидве kale a зинка зижидве."

⁶³ Johane kwayanda wakaamba cintucimwi mbuli cee ci. Wa kati, "Yebo ulizi, cindi Ne kali mulombe muniini, twa kapona kuselemukila ku Jeriko. Nda bayeeya baama ba Juda bakali kundi butika koona masikati; kuti ndoone masikati. Nda kali kunga ndilanga mu meso akwe, elyo waa kali kundaambila twaano twa Bbaibbele."

⁶⁴ Elyo, nywebo mulizi, eco ncintu cibotu ku mutumbu uli oonse kucita ku mwana wakwe. "Kokomezya mwana mu nzila mbwa elede kuunka." Inga cabota kwinda kujula aa cipekupeku a kulangilila zimwi zintu ezi awa zizumanana aa cipekupeku. Inga wacita kabotu na wamu bala mu kaano ka Bbaibbele, nkaambo kula botelasya ku mizeezo yakwe misyoonto.

⁶⁵ Lino kati, "Wa kali... Waa kali kundaambila makani i—i kaano ka mwanakazi muna Shunema kutambula mulombe wakwe muniini kujokela ku buumi, kwiinda ku musinsimi Eliya. Nda kayanda eco. Mpawo waa kali kundaambila makani a bantu besu kabazwa mu Egepita. Elyo twa kali mpoonya aa Mulonga wa Jordano. Elyo waa kali kunga watondeka kutala lya mulonga, a kwaamba, 'Johane, ba kakkala buyo ku lubazu lumbi. Elyo bakali myaka ili makumi one mu nkanda eyo, nkabela Leza waka basanina mana. Zisani zyabo taakwe nizya kazakala. Elyo Leza wakapa zinkwa, zipya, cifumo acimwi.'

⁶⁶ "Elyo obo moyo wangu, muniini wa mwana, Nda kali kunga ndati, 'Baama, sa Leza uli jisi maoveni mapati manji kutala okuya mu milengalenga, alimwi Ula lemeka zinkwa ezi zyoonse, a kubamba Baangelo Bakwe kulibambilila kuleta aansi cifumo zinkwa a ku zibikka aa i...?'

⁶⁷ "'Peepe,' waa kali kunga waamba. 'John, uli mukubusyi loko kumvvisya. Mwabona, Leza tajisi maoveni mu mulengalenga. Ta yandikani maoveni. Twe elede kuba a maoveni. Pele Leza ta yandikani, nkaambo Walo Mulengi. Mwabona, Walo ukanana buyo, elyo cinkwa cakabikkwa aa i... Walo Mulengi.'

⁶⁸ "Elyo, bakwesu, cindi ni Nda kaima awo sunu a ku Mu langilila kubweza kabeela ako ka cinkwa a kuzapaula eco, elyo cindi Na kasika kusule ku cibeela cimbi, cakalengwa, Nda kalizi kuti tii twakali kutobela—kutobela musinsimi mubeji. Oyo wakali Mulengi, Mwini, mu Muntu." Elyo i... .

⁶⁹ Mpawo antela bakabandika kulanganya kwa bantu bamwi; bamwi baka syoma, bamwi tiiba kacita; elyo mpawo kulanganya Kwakwe ku bantu.

⁷⁰ Lino, nywebo mulizi, Bunakristo bwa kacinca maningi, mu mazuba aya aakumamanino. Lino weeledé kubebeka bantu, kuba syomezya kunji, kubapa kunji, kuba citya kusyoma, boola ku mbungano, a kubasyomezya kuti bayooba a balongwe babotu a zintuzyonse. Obo tabuli Bunakristo.

⁷¹ Bunakristo takuli bwa kubebekwa. Bunakristo buli galankene. Mbubo. Bwalo ii—bwalo ii—ii...Bunakristo tabuli mbuli cisyango camu busena bukasaala.

⁷² Cisyango camubusena bukasaala ncisyango cakatintanisigwa, kanji. We elede ku cifwafwaza ciindi coonse, kutantamuna buuka kuzwa kuli ncico. Ako nkaambo ka bukompami bwakwe. Elyo eyo nje nzila mbo mweelede kucita Banakristo banji, kubaanga nku bafwafwaza kubelesya i—i zisyomezyo zinji.

⁷³ Yebo, yebo toku yandikani. Cisyango cini ncobeni canseba mbotu taciyandikani kufwafwazwa. I buuka mula citantamuka.

⁷⁴ Cili buyo mbuli, sunu, kuti muntu usola kubweza zintu a kuzisandula. Leza, ku matalikilo, Wa kati, “Imbuto zyoonse zizyale musyobo wazyo.”

⁷⁵ Nda kali kubala mu *Reader's Digest* awa, awo mpo—mpo batola eco nco twiita kuti mapopwe akatintanisigwa, alimwi cizyala maila mabotu loko, masimpe, maila mabotu mapati ncobeni; pele tacili cibotu, taakwe kuli ncico. Alimwi babamba madeede mabotu, akwalo tali noni mbuli madeede, a kupanga, kuba a nkuku lino eyo itasoli kuba a mababa akwalo. Kutintanya! Mwabona?

⁷⁶ Elyo lino, amuyeeye, antela mujisi mapopwe akatintanisigwa, pele tamu konzyi kusyanga mbuto eyo kujokela. Tai kazyali alubo. Ci yoofwa. Nkaambonzi? Ta ci jisi buumi muli ncico. Nywebo mweelede ku citintanya ciindi aciindi. Ikuti na tacikaciti, inga cazumanana buyo kuvuzizya. Eco citondezya kusumpuka kwa bucebuce, kweendelana ku mizeezo ya muntu, cili lubide.

⁷⁷ Inga wabweza i—i mbizi mpwizi a jack, a kwii swaanganya antoomwe a kuleta kambongolo, pele kambongolo tako konzyi kuli sanganya alubo. Kali manide. Kwa mana. Kali manide.

⁷⁸ Elyo ba laamba eno, kuti mu myaka iimbi iili makumi obile, ikuti na tababambi bantu aba kuzwa kukulya zintu ezi zyakasyeede, mbuli bulotwe a whiiti a zintu ezyo nzoba kutintanya, kuti, “Nku cinca i—i bupange bwa banakazi. Taba kakonzyi kuba a bavwanda, mu myaka ili makumi obile kuzwa lino. Ili mukujaya nzyalani.” Tai jisi zintu muli njiyo.

⁷⁹ Muntu ta bambidwe mbuli mbo bakabede. Amulange ku muntu sunu. Baa, ba, kali kuba, mabangabanga aa bbola akali mukali. Lino beeleder kusama ngowani; ba jaya myaka ili kkumi aibili, kuuma aa mitwe yabo mbuli girini, ula fwa ndyoonya lino; kulwana a zintuzyonse. Muntu ubambilidwe kuzwa mu cikama ca tombe. Nku, alimwi nku kaambo ka zintu zyakatintanisigwa, alimwi cakasofwaazya ciyanza coonse ca—ca buponi bwesu, buvubi bwesu boonse.

⁸⁰ Elyo—elyo—elyo kutintanya oko kwa kanjila mu mbungano, akwalo. Mubusena bwa kuba nkamu ya basyomi ba Bbaibbele bagalankene, baka citintanya kwiinda ku tubungwe. Elyo beelede kucita, “Ndi jisi eci, Ndi jisi eco; alimwi Ndi zulilwa kuli *eyi*, alimwi Ndi zulilwa kuli *eyo*.” Caka tintanisigwa, alimwi cintu tacikonzyi kulizyala cini alubo.

⁸¹ Tu yandikana Bbuku ly a Incito alubo. Pele nzila buyo njoya kucicita nku jokela ku Bbaibbele, a kuzwa ku bukombi obu bumwi bwaka tintanisigwa.

⁸² Kutintanya, eelede kubebekwa! Taakwe lusyomo! Nkamu buyo ya—ya kupertwa kwa kupertwa, kwaangwa buyo kuli ncico. “Ndili . . .” Nda amba, sa uli Munakristo? “Ndili muna Methodisti.” Sena uli Munakristo? “Ndili muna Presbyteria. Ndili muna Pentekoste.” Eco ta caambi *boobo*, kuli Leza. [Mukwesu Branham wanontola tunwe twakwe—Mul.]

⁸³ Uli Munakristo nkaambo wazyalwa mu Muuya wa Kristo, alimwi Ijwi ly a Leza lilapona muli nduwe.

⁸⁴ Nywebo mulizi, Ndila ibotelwa mbizi ya musyobo wini. Nywebo mulizi, ujisi kuyeeya kubotu. Ula konzya—ula konzya ku muyiisyia zintu, ku mu citila zintu, elyo uyo iya. Pele amubweze kambongolo kakaindi, tamu konzyi kucita cintu kuli nkako. Nkadonkozyo buyo kakaindi ka kaindi kalamfu. Uli kkede alya, alimwi, inga waambaula kuli nguwe, uyo tanda matwi akwe, alimwi, “Huh? Huh? Huh?” Mwabona, kuti, ngu tintanisigwa buyo.

⁸⁵ Kubikka mu mizeeo, bunji bwa baaba bategwa Banakristo, bakatintanisigwa, bukombi bwa kadonki. Yebo wa baambilila Jesu Kristo mbobuca nguwenya, sunu, amuya myaaka; kwaamba, “Ta ndi Ci syomi.” Mwabona? Elyo aboobo tamu konzyi ku muyiisyia cintu. Mbobuti mbo mukonzya ku muyiisyia; wa kaunka, nekuba. “Mbungano yangu ila Li syoma mu nzila *eyi*. Yangu ila Li syoma mu nzila *eyo*.” Pele Ijwi ly a Leza lyamba kuti Ngu mbobuca nguwenya, sunu, amuya myaaka! Nda botelwa kutali Munakristo wakatintanisigwa.

⁸⁶ Nda botelwa i—mbuli mbizi yaka tintanisigwa. Uli zyi na bawisi bakali bani, kuti banyina bakali bani, kuti banyinakulu a banyinakulu bakali bani. Uli zyi mazyalani oonse kaindi.

⁸⁷ Mburonya Munakristo waka tintanisigwa, uli zyi kuti Nguni Wisi wakwe. Wa kazwa kwa Leza; Walo ndi Ijwi ly a Leza, Walo ngumwi mbuli Mbwa kabede lyoonse. Walo ncipangulule caka tintanisigwa ca Leza, Ijwi ly a Leza lili muli nguwe, Jesu Kristo kaliyubulula Mwini.

⁸⁸ Cikama ca basikutasyoma! Jesu wakali kuyanda kuzungaanya kuzwa ku cikama caba tuuka buzuba bumwi, Wa kajisi banji baka Mu tobela. Wa kajisi basikwiyya Bakwe. Mpawo, Wa kajisi nkamu, ya bakutausi. Mpawo, Wa kajisi mbunga, ku zyuulu. Elyo mpawo Wa kaamba kaambo aka,

Wa kati, "Mwa talya Bulowa...mwalya mubili wa Mwana wa muntu, a kunywa Bulowa Bwakwe, tamukwe Buumi muli ndinyewe."

⁸⁹ Lino ino muyeeya nzi a dokotela wa misamu mbwanga waamba, ukkede mu mbunga? Ino muyeeya kuti ingawacita nzi muntu uyeeya kabotu, oko nkotwiita kuti kuyeeya kubotu? Ta ka cipandulula. Ta keelede ku cipandulula. Baa, dokotela inga wati, "Amuzwe ku Mulombwana oyo. Uli nyongene. Wa... Tu yooba abafu basikunywa malowa a bantu. Kunywa Bulowa bwa Muntu, kulya mubili Wakwe?"

⁹⁰ Elyo mbunga, inga Nda yeeyela mupaizi wakati, "Eci nce ciindi. Mpaawa mpo twa njilila. Twa zwa! Ta tukajani umwi umbi wa miswaangano." Mbabaobakaunka. Mpawo, Wa kagusya boonse kuzwa kuli Nguwe.

⁹¹ Mpawo Wa kavuuuluka elyo Wa kati kuli bali makumi ali ciloba, Wa kati "Ino uyo amba nzi cindi wabona Mwana wa muntu katanta kuya ku Julu oko Nkwa kazwida?"

⁹² Lino, balo bali makumi ali ciloba bakati, "I Mwana wa muntu katanta kuzwa oko Nkwa kazwida? Baa, Wa ka tucitila ku cilido nciconya oko Nkwa kazyalilwa. Tu lizi banyina Bakwe. Twa kabona zisani, zisila Nzya kavungaidwe mukati. Wa kazyalilwa kumusanza okuya mu Betelehemu yaku Judaya. Wa kaletwa kutala okuno mu Nazareta. Mbabaobabunyina Bakwe, bacizi Bakwe, a boonse babo a ndiswe. Elyo mpawo Wa kati, 'Oyu Mwana wa muntu wakatanta kujulu?'" Lino, Ta kacipandulula, Wa ka caamba buyo. Lino, tiiba kakonzya ku cipandulula, tiiba kakonzya ku cibamba mu mizeeo yabo. "Ee," ba kati, "mpaawa mpo twa njila," aboobo ba kazwa. Oko kuli mbuli mboba konzya kuzunda.

⁹³ Ba cijisi nkamu nzyoonya. Mbo mbubo. Tu ciba jisi. Tula bona.

⁹⁴ Mpawo Wa kanyona. Amuyeeye, abo basikwiiya tiiba kakonzya kupandulula ceeeo, akwalo, pele baka jisi lusyomo. Mpawo Jesu wakavuulukila a kulanga kuli bali kkumi ababili, a kuti, "Sa mula unka anywebo?"

⁹⁵ Mpawo Petro waka bamba majwi ayo kuti atambulika: "Mwami, nkokuli nko tunga twaunka? Nkambo twa kasungilizigwa cabuzule, tu lizi kuti Uli jisi Ijwi lya Buumi, alimwi Yebo olikke." Mwabona? Teba kakonzya kupandulula nzila mbo bakali kuno yoolya mubili Wakwe a kunywa Bulowa Bwakwe. Tiiba kakonzya kumvwisya nzila Mbwa kali kuyo tanta kuzwa kooko Nkwa kazwida, cindi Na kazyalwa mu Betelehemu. Tiiba kakonzya. Pele, mwabona, lusyomo talu zyi kukakilwa. Cili simpidwe. Cila kkala kuya, takukwe makani eco kufumbwa cintu nco caamba. Ca kakkala awo. Ba kasalwa ku Buumi obu. Elyo Ngu... Ba kakkala awo.

⁹⁶ Lino eyo misyobo yandeene. Bamwi bakasyoma. Bamwi bakati, “Ii muntu taka kanana mbuli boobu.” Bamwi teeba kasyoma, elyo ba kati, “Oh, kuti, kweelede kuti bakabandika eco.”

⁹⁷ Bamwi bakati, “Ii muntu taka kanana mbuli oyu Muntu. Kuli cintucimwi ceenzo kujatikizya Nguwe. Eco Nca amba, Ula konzya kujokela.” Ee, ba kaamba ceeeo, nywebo mulizi, kati, “Ta ambauli mbuli mupaizi. Ta ambauli mbuli rabi. Nkambo eco Nca amba, Leza ula ciiminina, Ula simpikizya eco Nca kaamba.” Oh, ma!

⁹⁸ Kweelede kuti wakali Johane muniini, mpawo, kati, “Amu ciyeeye! Tuli Mu jisi antoomwe a ndiswe ndyoonya lino. Ino nduumbulizyo mbo lweelede kuba! Ino mbukwabilizi!” Ino mbukwabilizi mbo ceelede kuba kuli ndiswe!

⁹⁹ Ndili missionari, koonse a koonse ku nyika. Elyo Nda kabona misyobo yoonse ya bukombi a misyobo yoonse ya tuleza oto ntoba jisi, tuleza twa bahedeni; muna Muhammedi, muna Buddha, a Sikh, Jaini, oh, kufumbwa kumbi, a tuleza twa bahedeni basimikowa. Pele, umwi aumwi wabo, kwina wabo uululeme pele Bunakristo. Boonse babo, basikutalisya babo bali fwide, alimwi bali jisi cuumbwe awo mpa kazikkilwa. Pele Bunakristo mbo mbubo biyo, nkaambo Sikutalisya wesu wakafwa, kazikkwa, pele wakabuka alubo, alimwi tula konzya kutondezya kuti Ula pona.

¹⁰⁰ Ku cuumbwe ca Mohammedi, kwa myaka yakainda ili zyuulu zyobilo, kutandila, yakali mbizi iituba, kucinca balindizi kwa maora onse manji, kalindila Mohammedi kubuka kuzwa ku bafu a kweenda kuselemuka inyika a ku cizunda.

¹⁰¹ Pele Jesu uli libambilide kale kuzwa ku bafu, wakali mujulu kwa myaka ili zyuulu zyobilo, alimwi ula ndiswe sunumasiku. Elyo mpawo cindi twa bona mudima, a kubona mamanino aa ciindi, nzila mbi cibede eno, kuboola ku maora nge pona, kuciindi notweenda munzila ya buumi isetekene, oko maziba mapati aamaguwo amvula, alimwi—alimwi bwaato inga bwanyonganya ku ciindi cili coonse, eyi mimuni miniini ilakonzya zimaana mbuli *boobo*. [Mukwesu Branham wanontola tunwe twakwe—Mul.] Na, inga tii twa siya buyake obu sunumasiku, taakwe wesu. Ta tuzi ciindi lufu nolu boola.

¹⁰² Elyo ino nku limvwa kukwabililwa nko kwakeelede kuba, kuli basikwiiya abo, kuziba kuti Mulengi nguonya, oyo wakalizibya Mwini cakumanininina kuba Muntu oyo, wakali kweenda a mbabo.

¹⁰³ Elyo ino muyeyeo ulelekewo mbo ubede, ino mbulangizi bulelekewo mbo ubede, ino nkaanzambwene mbo kabede, mu oora eeli lya mudima ku mamanino aa makani aakale aa nyika, kuziba Mulengi kuti uleenda munzila ya buumi mpati isetekene antomwe andiswe, cakujatilila kabotu mukati!

Mabbomba, kufumbwa cinga casika, atu tante, kubbotoka, kuunga, kufumbwa mbo bayanda, tacibambi lwandaano kuli ndime, Nde enda antomwe a Mulengi. Ino nkukwabililwa, kuciindi ca kweenda mu meenda ayo!

¹⁰⁴ Lino kuciindi nkekana, kwaambaula Nguwe, kujatikizya zintu zipati Nzya akacita. Kumane kupobolwa kwa lubukulusyo, Jesu antela wakali kupumuna mbuli Mbwa cita, Nda kaamba, akati ka lubukulusyo. Elyo twa . . . ba kali zibya kabotu loko kuti Wa kalini. I bantu bakaziba kuti Wa Kalini, kuli baabo Mba kali boofu. Pele abo baka jatilide ku Lugwalo, nkaambo bakalizi kuti Lugwalo. . . Ijwi ly a Leza ly a kapegwa, kunji, ku nzyalani aimwi, a cisyomezyo eco ca bukkalo obo ceelede kuzulizigwa. Elyo Wa kazulizya ncobeni eco cakeelede kucitwa mu ciindi ca Mesiya. Wa kkwanya zyeelelo zyoonse. Mpawo tu . . . wa kali masimpe kuti Wa kali Muntu.

¹⁰⁵ Pele, nywebo mwabona, Wa kaba mbuli boonse loko. Ta kali kusama mbuli mupaizi. Wa kajisi, peepe, kutali lwiyo mbuli—mbuli olo ndo tunga twaita lwiyo. Ta tujisi bulunguluzi Bwakwe akwalo kuya ku cikolo. Pele kwakali cintucimwi kujatikizya Nguwe cakali andeene.

¹⁰⁶ Elyo mpawo Wa kabatamba, cindi niba takakonzya kumvwisya, kati, "Amulingule Magwalo, nkambo muli Ngawo muyeeya kuti mujisi Buumi Butamani, nkabela eco nce cintu cilungulula Ndime. Ala mwaambila Obo Mbwe bede."

¹⁰⁷ Elyo lino, amuyeeye, boonse baka jisi eci mu moyo wabo alimwi bakali kuyeeya zintu ezi. Elyo kuciindi kweenda mu lwizi, obo mbo bakali kukonzya kuba mbuli bana, kufumbwa kuti Wa kali mu bwaato a mbabo.

¹⁰⁸ Lino, mweenzuma, eco nco ceelede kucita kuli ndiswe! I Jesu Kristo nguwenya wakazibya, Mulengi nguonya, Leza nguonya, uli andiswe sunumasiku. Ino nku kwabililwa mbo—mbo kubede, ino nkulimvwa, kuziba kuti Busyu Bwakwe buli waano.

¹⁰⁹ Lino tu jana kuti, mpoonya cindi nibakali kuba a ciindi eci cipati, mpoonya awo, penzi lyaka buka. Bwaato bwaka yuuntana, ziyambyo zya katolwa muwo, maanzi akazula mu kaato. Bulangizi boonse bwakufutuka bwakali manide.

¹¹⁰ Lino, sa tacili ceenzu, mbuli buyo mbo cibede lino, mbuli mbo tu selemukila ku mamanino lino, sa tacili ceenzu? Inga twa ambaula obo Mbwali mulemu; inga twaamba obo Mbwali mulemu, mu mbungano yesu cindi twapa bumboni; tula baambila babelesi besu—besu, basikupa ncico, obo Mbwali mulemu; tula baambila bantu mu tugwagwa obo Mbwali mupati; alimwi, cindi penzi lyuma, tuli mukulibilika. Mwabona? Tu buyo . . . Mwabona? I zintu nzo twa ka Mu bona kacita, zintu nzo tuzi kuti Ula cita; a kulekela buyo kuciswa kuniini, na penzi liniini kuuma muunzi, amulangilile eco cicitika; zyoonse

zyaka nyongana mu tubeela, bulangizi boonse—boonse boonse bwamana.

¹¹¹ Nekubakuti baka Mu bona kacita zintu zinji loko; koonse kulubwa cindi penzi lyauma.

¹¹² Mbuli lino, twa kabona lubukulusyo olu lupati, tu jisi makani aakale aa lubukulusyo lumbi lupati, tu jisi Busyu Bwakwe, tu lizi zintu ezi, alimwi ziindizimwi penzi lilaba muli eco ta tukonzyi busilike. Ba . . .

¹¹³ Kupa mukozyanyo mbuli lino, tu jisi penzi mu mambungano esu lino. Tu jisi mapenzi aakabungwe, kukazya mu mambungano esu. Ta tuzi eco ciyo citika. Tula bona cintu cipati kacipanga okuya. Toonse swebo tobasyomi mu Bbaibbele tula bona cintucimwi cilibambilila kutola busena. Taakwe umwi cita uzyi ceeco.

¹¹⁴ Elyo mambungano oonse ayoletwa mu Kkuta eyo yabapazi iya Mambungano. Mpawo, cindi wacita ceeco, uyo sweekelwa kuyiisya kwako kupati kwa buvangeli ibwa Bbaibbele. Elyo ba Pentekoste baleetelela a ncico, kaba njila moonya muli ncico, mbuli ngulube kayuunka ku cijailo cayo, mbo mbubo, kkanso yabapaizi. Basololi banji ba Pentekoste bala zuminana a mbabo. Nda kwaambila, uta kasoli nsingo yako mu cintu mbuli ceeco. Obo mbombubo Bbaibbele mbo lya kaamba kuti ciyo citika. Ngooyo munyama a caando, alimwi, cakulondoka, zintuzyonse zili bambidwe kabotu mu ncililano, elyo tula bona eci alimwi tula yeeya eco ciyooba kuzwa kuli ncico.

¹¹⁵ Penzi lyatalika kuba. Elyo ba kaluba kuti nguonya Oyo ngo bakali kwaambaula, nguonya Mulengi, wakali mu bwaato a mbabo.

Lino yebo wati, “Ikuti na Nda konzya kuyeeya ceeco!”

¹¹⁶ Ee, amuyeeye, tu cili a Nguwe, nkaambo Walo ndi Ijwi, lyoonse. Muli Johane 1:1, mbuli mbo twa kaamba masiku ainda, “Wa kali Ijwi; alimwi Ijwi lyakaba mu mibili wabantu a kukkala akati kesu.” Elyo tu cijisi Ijwi Lyakwe litu lailila ku miyeeyo Yakwe a kucita Kwakwe kwa buzuba obuno. Mwabona? I . . . Kutali miyeeyo Musa nja kajisi mu buzuba bwakwe, kutali miyeeyo ya basikwiiya, kutali miyeeyo ya Luther, na Wesley, na bukkalo bwa Pentekoste, na kufumbwa ca zeezyo. Tuli jisi Bbaibbele awa li twaambila eco ciyo citika lino. Mwabona? Tula bona lubukulusyo lwa Pentekoste mu Bbaibbele, Lutherani, a makkalo ayo oonse aa mbungano. Twa kaabona. Pele akwalo tuli jisi Lugwalo awa lu twaambila obo mbo ciyooba lino. Alimwi oyo ngu Leza, Leza kapandulula Ijwi Lyakwe Mwini ku bukkalo obu obo mbo tupona mo. Ngu sikupandulula Lwakwe Mwini. Elyo, nekubaboo, tula bijilwa. Muta nyongani.

¹¹⁷ Basikwiiya bakwe ziindizimwi bala njila mu mapenzi aa kunyama ayo ngo batakonyi kusilikia, mbuli malwazi, kkulenge, azimwi zimbi, cakuti madokotela taba konzyi, tazi eco cakucita

kujatikizya ncico. Swebo, mbuli mbabo, tula luba Oyo uuli mu bwaato.

¹¹⁸ Ba keelede kuziba kuti Wa kalizi zintu ezi zyoonse. Wa kalizi kuti ziyo citika. Wa kali i... Wa kalizi zintu zyoonse, aboobo Wa kalizi kuti eci ciyo citika. Ciyo citika kuli mbabo. Nkaambonzi Nca kali kucilekela kicitika? Cindi Na kanjila mu bwaato obo, Wa kalizi kuti eco cakali kuyo citika.

¹¹⁹ Uli zyi kuti tweede kukkanwa ciimo eci, alimwi Wa ka twaambila kale awa mu Bbaibbele kuti inga ciyooba mu nzila eyo.

Lino ncinzi Nca kali kucita? Kusunka lusyomo lwabo.

¹²⁰ Nkaambonzi Nca kalekela ii—ii—ii mwanakazi, mubotu muniini, mutumbu wakali kuboneka kukkede mu whiluceya, mbuli boobo? Nkaambonzi Nca kalekela balombwana bakubusyi babotu awa, aba baalumi bakubusyi bakkede awa mu mawhiluceya aya, balindu, a zimwi zimbi? Nkaambozni canga Wa cita? Alimwi, nekubaboo, inga kabali balema, kupona buyo buumi bwalyonse. Pele ndiza kuli bamwi bakkede awa a penzi lya moyo, alimwi, ikuti na Leza taku ponyi, inga uno fwide kakutanaba cifumo. Mbo mbubo. Wa kalizi kuti cakali kuyo citika. Ndiza caka citwa kupa lusyomo lwesu kusunkwa. Ako nkekaambo nco cakabambilwa mbabo. Wa kaamba boobo. Mwabona? Mbubonya lino.

¹²¹ Wa katondezya kuti Wa Kalini, ku Majwi a zitondezyo ezyo Nzya katondezya akati kabu, kuti Wa kali Mesiya, waka simpikizigwa oyo wa keelede kuboola.

¹²² Elyo Wa tondezegwa akati kesu, kwiinda ku Lubrizyo lwa Muuya Uusalala a kubweeda kwa zintu ezyo Nzya kasyomezya mu buzuba obuno, kuti Uyo cita. Wa tondezya kuti Mpali ano. Ula tondezya kuti Ngu mbobuca nguwenya, sunu, amuya myaaka. Elyo amubone obo mbo tukonzya kunyonganisigwa ku cintu ciniini cili coonse? Ta tweede kucilekela kicitika. Peepe.

¹²³ Wa kati, "Ikuti na Nse citi milimo eyo iilembedwe kuli Ndime, nkokuti muta Ndi syomi." Elyo ikuti na Mbungano, ikuti na Muuya Uusalala sunu, tauciti zintu ezyo zya keelede ku citila oora eli, mpawo muta syomi Mulumbe; muli jisi nguzu zya Kuu syoma.

¹²⁴ Pele Wa kasyomezya kuti zintu ezi Nzya cita ndyoonya lino ziyo citika nkoonya ku ciindi eci. Aboobo ceelede kutubamba kulimvwa kukwabililwa maningi, kwaamba, "Ndi inka ku muswaangano. I Muuya Uusalala mupati, Ndi mvwa kuti, uli kutala kuya kayubununa maseseke aa myoyo ya bantu." Obo mbombubo Mbwa kaamba kuti Uyo cita cindi Aku yubununwa mu mazuba aakumamanino. Jesu Kristo wakati, Mwini, obo mbombubo ncobeni Mbwa kali kuyo cita.

¹²⁵ Elyo Wa kati, “I inyika iyooba muciimo mbuli mboya kabede mu mazuba akwa Sodoma.” Awo mpempawo mpocibede lino. Wa kati, “I mambungano ayo andaanisigwa, mbuli buyo mboba kabede kaindi,” Lota, ukasaala biyo, kumusanza mu Babuloni, na kumusanza mu Sodoma, a bana Sodoma. Wa kati, “Abrahamu, basale, nkamu yakaitwa kuzwa,” nkabela Wa katuma mutumwa ku nkamu yakasalwa. Elyo Wa katuma batumwa bobilo kumusanza kuli mbabo, kaiminina umwi aumwi. Elyo nce ncico buyo Nca cita, akwalo ku mazina oonse, mictito yoonse, bweende boonse, zintuzyonse cakulondoka buyo, zitondezyo zyoonse, kutondezegwa koonse, mbubonya buyo ncobeni. Wa kaamba kuti ciyo citika.

¹²⁶ Lino ino tu yoowa nzi? Ino ezi zintu zili ali ndiswe nzya nzi? Uli mukusola ndiswe, kubona eco nco tuyo cita kujatikizya ncico. Amubone.

¹²⁷ Wa kabaambila, kati, “Lino, ikuti na tamu konzyi ku Ndi syoma, amusyome milimo eyo Nje cita; ilungulula Obo Mbwe bede.” Ba keelede kuciziba, pele tiiba kacita. Ba . . .

¹²⁸ Wa kali Leza, Oyo wakalenga, Mulengi wa myuuwo a lwizi. Ikuti na Wa kali kukonzya kulenga myuuwo a lwizi, sa Na kaibamba kuswiilila Ijwi Lyakwe? Ikuti na Wa kalenga zintu zyoonse, sa Ta konzyi kubamba zintu zyoonse kuswiilila? Atu yeeye, akwalo, Wa kalenga mibili yesu, akwalo bayo elela kuswiilila Ijwi Lyakwe. “Ee,” yebo wati, “ikuti na Nda konzya kuba masimpe kuli ceeco.” Ee, tuli masimpe kuli ncico. Uli waano kucitondezya booboo. Be elede ku ciswiilila. Amuyeeye. Uli jisi . . .

¹²⁹ Cindi twa noo lede, kwiina cintu pele ndiza itwe likkwana muli conco, Wa kasyomezya ku busya itwe eelyo. Wa kasyomezya ku mibusya. I mibili weelede ku Mu swiilila. Elyo nce cindi twa kufwa, tula yaama kaanzambwene kuti tuyo busigwa, nkaambo Wa kasyomezya kuti Uyo cicita. Elyo cisyomezyo Cakwe ndi Ijwi Lyakwe, alimwi tula syoma. Mula syoma mu bubuke bwa mibili? Masimpe. Ikuti na toli obo, toli Munakristo. Aboobo tula syoma kuti Uyo tubusya ku mazuba aakumamanino. Wa kasyomezya kucicita. Elyo ino ncinzi eco? Eelyo ndi Ijwi Lyakwe. Awo mpempawo mpo tuselemuna zintuzyonse nzo tujisi, mpoonya aa Ijwi eelyo.

¹³⁰ Elyo mpawo cindi caboola ku ciindi eco nco tubona Ijwi kalilizibya, kuba a ndiswe; mpawo tuli mbuli basikwiya, mu kaambo kambi cindi niba kali kubusena aa lwizi, elyo—elyo bakali kutandila kubbila alubo, mu ciindi cimbi cisale. Elyo bakabona Jesu kasika keenda aa maanzi, nkabela baka yoowa. Ba kati, “Calo—calo nceelo. Cila yoosya.” Kayoowa kuti wakali musangu, nkabela ba koompolola a buyoofu. I cintu buyo cakali kukonzya kubagwasya, bakali kuyoowa ncico.

¹³¹ Elyo mbo cibede asunu, cintu nciconya buyo cikonzya kugwasya bantu, bala yoowa ncico. Wa kati, "Muta yoowi. Kwalo Ndime." Ula kanana. Mbobuti mbo ziba kuti wakali Nguwe? Ula lizibya kwiinda ku Ijwi Lyakwe. Eyo nje nzila Mbwa lizibya ciindi citaanzi. Eyo nje nzila Mbwa lizibya ciindi coonse, kwiinda ku Ijwi Lyakwe. Amubone.

¹³² Kumane aba bsikwii... basikwiyya baka lijana kumamanino, kweelede kuti kwa kaceda ali bamwi babo kuti Mulengi wakacili a mbabo.

¹³³ Nda syoma cila cita kuli ndiswe, sunumasiku, ku Bahebrayo 13:8 yaamba kuti Ngu mbobuca.

¹³⁴ Mpawo ncinzi ncoba kacita? Ba kasinsimuna Jesu. "Kamuya muka sinsimune Jesu. Amu Mu sinsimune, ku Mwi itila aa cilao!" Walo wiitwa citete loko kwiipta. Ba kabona, kabona zintu zinji loko ezyo Leza nzya akacita, a—a—a Majwi ka Mu simpikizya. M bubonya mbo twacita. Elyo Ta kali tuyumu kwiipta mu mulimo.

¹³⁵ Baka Mu sinsimuna, a kuti, "Sena Yebo... sa Yebo tobikkila maanu kuti twa nyonyooka?"

Yebo wati, "Mbobuti mbo tukonzya kuba masimpe kuli ceeci? Sa inga twa citondezya?"

¹³⁶ Johane 14:12, Jesu wakati, "Oyo usyoma Ndime, milimo Nje cita uyo icita awalo." Obo mbombubo. Lusyomo lwestu luleta Kristo mu busyu bwesu.

¹³⁷ Wa kati muli—mul Luka, cipati 17, "Ku mazuba aakumamanino cindi Mwana wa muntu ano yubununwa, inga ciyooba ciindi mbuli Sodoma a Gomora." Tula bona eco kacicitika.

¹³⁸ Wa kati, kakutanaba ciindi eco kucitika, muli Malaki 4, kuti, "Kuyooba Mulumbe uya kuba uya kuboozya bantu kujokela ku Lusyomo lutaanzi lwaka pegwa ku bantu ciindi cimwi." Lyoonse mabambe aa Leza kucita ceeco. Elyo mpawo babi bayooba itwe, a balulami bayo enda aa matende abo.

¹³⁹ Tula bona zyoonse ezi zyaka syomezegwa. Uli ndila ndyoonya lino kuli nduwe, yebo, yebo, umwi aumwi wanu, ku Mwi ita aa cilao. Ku Mwi ita aa cilao! Awo mpe mpawo Mpa yanda kuba, kwitilwa aa cilao ca kubeleka. Amubone cindi wa Mwi ita aa cilao, aboobo mpawo inga twaamba kuti, "Atu Mu sinsimuna." Mpawo, ku Mwi ita kusimpikizya Ijwi Lyakwe alimwi i—i cintu eco Nea kasyomezya kucita, nzila Mbwa yanda. Inga twa ziba, mu ciyubunuzyo ca Jesu Kristo mu mazuba aa mamanino, tu yooba mbuli mbu cakabede mu mazuba aa kwa Sodoma. Wa kasyomezya ciyubunuzyo eco ku Mbungano, cindi Na keelede kuyubununwa. Aboobo uta zumbauzyi a kuyoowa, Ngu mbobuca nguwenya, sunu, amuya myaaka.

¹⁴⁰ Nda kamvwa mwanakazi, ciindi cimwi, cindi ni Nda kali kwaambaula kujatikizya Nguwe mukuba mupati maningi. Waa kati, “Kuli cintu comwe Nce lwana kuyiisya kwanu, Ba. Branham.”

¹⁴¹ Nda kati, “Ee, ndaku lumba, ikuti na ujisi cintu comwe biyo.” Nda kati, “Nda—Nda syoma Leza ucijana biyo munzila eyo.” Elyo waa kati, “Ee, yebo udundaizya maningi aali Jesu.”

¹⁴² Nda kati, “Nda syoma eco nce cintu cilikke ci ndilwana.” Elyo—elyo Nda kati, “Nselidundaizya loko ali Nguwe.”

¹⁴³ Waa kati, “Oh, iiyi, ula cita.” Kati, “Yebo Umu bamba kuba Sibuleza.” Wa kali mwanakazi oyo wata kasyoma kuti Jesu wakali Sibuleza. Waa kali muna Kristiani Sayaansi. Elyo kati, “Yebo Umu bamba—yebo Umu bamba kuba Sibuleza, Umu bamba kuba Leza.”

¹⁴⁴ Nda kati, “Ngu Leza akwalo, nape mucengi mupati maningi inyika ngoya kasola kuziba.” Nda kati, “Wa . . .”

¹⁴⁵ Kati, “Ee, Nda konzya kutondezya kuli nduwe, kwiinda ku Bbaibbele lyako, kuti Ta kali obo. Wa kali musinsimi buyo.”

Nda kati, “Wa kali musinsimi, nincobeni, pele Wa kali Leza, akwalo.”

Kati, “Wa kali muntu alimwi Wa kali uufwika.”

Nda kati, “Obo mbwini, akwalo.”

¹⁴⁶ Waa kati, “Mu lweendo kuselemukila kuyo busya Lazaro kuzwa ku cuumbwe, Musalali Johane cipati 11, kati, Bbaibbele lyakati, ‘Jesu wakalila.’”

Nda kati, “Obo mbwini.”

¹⁴⁷ Waa kati, “Ee, eco citondezya kuti Ta kali kukonzya kuba Sibuleza, a kulila.”

¹⁴⁸ Nda kati, “Oh, ma, mulindu, sa eyo ni nkazyanyo yako?” Nda kati, “Njeeyo imwi iikompeme.” Waa kati . . . Nda kati, “Mbwini, Wa kali Muntu cindi Na kali kulila; pele cindi Na kabikka mubili Wakwe muniini mu kubeleka, kakwela makuko Akwe maniini kusule a kuti, ‘Lazaro, ko buka,’ elyo muntu waka fwide kwa mazuba one, alimwi wakali kubola mu cuumbwe, wakaima ku matende aakwe a kupona alubo, oyo wakali kwiindilila kuba muntu. Oyo wakali Leza.”

¹⁴⁹ Wa kali muntu, abusena awa mu bwaato obu busiku obo, cindi Na kali kubusena aa lwizi, oko madaimona ali zyuulu zili kkumi aa lwizi nkwa kakonkezya kuti ayo Mu nyikizya. Ako kaato kaniini kakaindi kakaputikila kutandila mbuli mbilibilibili aabusena awo aa lwizi lwamvula pati. Wa kali muntu, kakatede, woona. Pele cindi niba ka Mu sinsimuna a ku Mwiita aa cilao, Wa kabikka cituta comwe aa moombe a kulungumana, a kuti, “Luumuno, ka luciliko,” nkabela myuuwo

a mayuwe zyaka Mu swiilila. Oyo wakali kwiindilila kuba muntu. Oyo wakali Leza.

¹⁵⁰ Wa kali muntu cindi Na kaseluka kuzwa ku mulundu, kafwide nzala, kalanga ku musamu kujana cintucimwi ca kulya. Wa kali muntu cindi Na kafwide nzala. Pele cindi Na kabweza zinkwa zyosanwe a nswi zyobilo, a kusanina bali zyuulu zyosanwe, oyo wakali kwiindilila kuba muntu. Oyo wakali Leza mu muntu oyo.

¹⁵¹ Muntu oonse wakasola kusika ku cilundu ca bunyangu, bakali bantu abo bakasyoma eco. Mbubo. Basikuyabila a bambi baka syoma ceeco, kuti Leza wakali muli Kristo, kayanzanya Mwini ku inyika.

¹⁵² Elyo lino Kristo uli mu Mbungano, kayanzanya bantu kuli Leza. Wa kasyomezya kucicita. Lya kalembwa, kuti, “Ngu mbobuca nguwenya, sunu, amuya myaaka.” Mula syoma obo? Nda cisyoma a moyo wangu oonse, kuti Uli ndila buyo lino kwiitwa aa cilao. Lino cintu biyo cikonzya ku Mwi ita aa cilao, nkuti kuli ndiswe ku Mu sinsimuna muli lwesu, ku Mwi ita aa cilao.

¹⁵³ Wa kali cipego cipati maningi eco Leza nca kasola kupa inyika. “Leza mbwaka yandisa inyika eyo Nja kapa Mwana Wakwe simuzyalwa alikke; kufumbwa muntu uusyoma muli Nguwe taka lobi; kuba a Buumi Butamani.” Amulangilile Leza a cipego Cakwe. Lino, bantu bakali kubelesya cipego ca Leza.

¹⁵⁴ Ii mwanakazi muniini, ciindi cimwi, wa kasyoma eco, kuti Wa kali kutondezegwa kwa Leza mu mubili wabantu. Elyo waa kati, “Ikuti na Nda guma cikobela Cakwe, Ndiyo—Ndiyo—Ndiyo ponesegwa.”

¹⁵⁵ Lino, waa kaguma cikobela Cakwe. Elyo Wa kavuuluka, a kuti, “Nguni wa Ndi guma? Mwabona, buboto, nguzu, zyazwa kuli Ndime.” Waa kaguma cikobela Cakwe. Oyo wakali nguwe kabelesya cipego ca Leza. Mwabona? Wa kakompama kuzwa kuli ceeco.

Pele cindi Na kazwa ku muunzi wa Lazaro . . .

¹⁵⁶ Amuyeeye, Musalali Johane 5:19, Jesu wakati, “Ncobeni, ncobeni, Nda mwaambila, i Mwana takonzyi kucita cintu muli Lwakwe, pele eco Nca bona Taata kacita.” Amuyeeye, Jesu Kristo taakwe naka cita maleele amwi, kwiina naka cita cintu cili coonse mu nzila ya cigambyociinda, kusikila lutaanzi Wa kabona cilengaano ali ceeco cakucita. Mbangaye basyoma obo kuba bwini? Musalali Johane 5, “Ncobeni, kutali eco Nce mvwa, kutali eco muntu umwi nca Nda ambila; eco Nce bona Taata kacita, eco ncacita Mwana nciconya.” Lino ikuti na tacili boobo, mpawo Lugwalo lumwi taluli boobo. “Ncobeni, ncobeni, Nda mwaambila, Mwana takonzyi kucita cintu muli Lwakwe; pele eco Nca bona Taata kacita, eco ncacita Mwana. I Taata

ulabeleka, alimwi Nda beleka kusikila eno.” Mu majwi amwi, Wa kali cengeezya buyo, kacita eco Leza ncaka Mwa ambila kucita.

¹⁵⁷ Lino, amuyeeye, cindi Na kazwa ku muunzi wa Lazaro, Wa kaunkide kwa mazuba masyoonto. Lazaro wa kaciswa, nkabela baka Mu tumina. Ta kaunka. Kwiinde mazuba obilo, Lazaro waka ciswa loko. Aboobo baka Mu tumina alubo, Ta kaunka pe. Mpawo cindi ceelede, Wisi waka Mu tondezya kuti cakali kuyo citika, Lazaro wakafwa. Elyo Wa kavuuluka, cindi Lazaro nakafwa, kati, “Lazaro uli fwide, nkabela Ndili kkomene nkambo ka ndinywe kuti Nse kaliko.” Ba kali ku Mu yanda kuyo mukombela, a bumwi bumbi. Wa kacita buyo eco Leza nca ka Mwa ambila kucita, eco Nca kabona, cilengaano. Mwabona, Wa kabona cilengaano ali ceeco cakucita. “Pele Nda unka nka mibusye.” Humu! Mpaawo we.

¹⁵⁸ Amulangilile Marta kaboola kuzo Mu bona. Waa kati, “Mwami, ikuti Yebo nokaliko okuno, mukwesu nata kafwa. Pele nekuba lino, kufumbwa cintu Nco lomba Leza, Leza uyo cipa kuli Nduwe.” Mwabona?

¹⁵⁹ Wa kalizi eco Nca kali kuyo cita. Amu Mu langilile ku cuumbwe ca Lazaro. Wa kati, “Taata, Nda Ku lumba, Wa Ndi mvwa kale, pele Nda caamba buyo kuli baaba baimvwi ambali.”

¹⁶⁰ “Lazaro, ko buka!” Elyo Lazaro wakabuka kuzwa ku bafu.

¹⁶¹ Lino, Ta kaamba cintu kujatikizya kuya bukomppama awo. Oyo wakali Leza kabelesya cipego Cakwe. Elyo bantu kubelesya cipego ca Leza cakali andeene.

¹⁶² Nkambo, Wa kali Ijwi. “Elyo Ijwi lila bosya kwiinda cceba lya mabemba obilo,” mbo lyaamba Bbaibbele, “a kutweluka miyeyeo a makanze aa moyo.” Eco citondezya kuti Leza uli akati ka bantu. Iiyi. Atu cisyome. Uli libambilide, kweendelana ku Ijwi Lyakwe, kwitwa aa cilao, sunumasiku.

¹⁶³ Mbangaye bali kokuno baciswa a babulide, amu tambike maanza anu. Atu bone maanza anu, mbangaye bacisidwe a babulide, kulikoonse. Ee, cintu buyo Nca lindila nkwiitwa aa cilao. Amu Mu mwiite buyo.

¹⁶⁴ Lino ino kuti Wa liimvwi awa a nsuuti eyi Nja kandipa, elyo waboola kumbele Lyakwe a kuti, “Mwami Jesu, Ndi yanda kuti Undi ponye,” mulizi eco Nca lino amba? “Nda kacicita kale.”

¹⁶⁵ “Wa kayaswa nkambo ka nsotoko zyesu; ku mibunda Yakwe twa kaponesegwa.” Ta konzyi kucicita ciindi cabili. Aboobo, mwabona, Wa kacicita kale. We elede ku cisyoma. Taakwe cintu nco konzya kucita, kuba sikuyandisa ku cintu cili coonse, ku-ku kuvola lufutuko lwako na kuponesegwa. Taakwe cintu nco konzya kucita kujatikizya ncico. Ncipego cabuyo ca Leza. Mwabona, nduzyalo, cipego cabuyo. Ikuti na Nda kupa madollar ali milioni nkabela walulamika taita yangu; Tii ndaka cipa kuli nduwe; wa kacitila cintucimwi. Mwabona? Cipego ca Leza

ncabuyo. I cintu buyo nco mweelede kucita nku cisyoma, kuti Wa kaula eci nkambo ka ndinywe, ndinywe. Wa . . . Ca kaulwa kale. Wa ka cicitila ndinywe. Elyo kunyina muntu mu inyika . . .

¹⁶⁶ Ta ndizi eco nco mujisi kuno mu Baton Rouge. Zintu zyoonse zili mukweenzya cisi, kulikozyanisa a eco. Tu lizi eco ceelede buyo kuba mu nzila eyo. Pele cindi muntu aboola mukati a ku kwaambila kuti ujisi nguzu zya ku kuponya, uli mu kubeja. Leza alikke ngu konzya kuponya. “Ndime Mwami Leza wanu oyo uuponya malwazi anu oonse.” Ta kaabani bulemu Bwakwe a muntu uuli oonse. Kwiina muntu ujisi nguzu zya kuponya.

¹⁶⁷ Pele kuli muntu ujisi zipego, zya kutondezya Leza. Mweembeli wako . . . [Mukwesu Branham wakukola—Mul.] (Amu ndijatile.) Ula konzya kubweza Leza, kwiinda ku cipego ca—ca . . . Ii mwiiyi, ula konzya kupandulula Ijwi aboobo uli sinikizidwe ku Li bona. Iktut na ujisi meso ali oonse a kubona, uyo cibona. Kuli cimwi cimbi, ndiza cipego cimbi. Pele lyoonse kuli cipego eco ciyubulula Busyu bwa Leza, alimwi, kwiinda omuya, yebo lwako weeblede ku cisyoma.

¹⁶⁸ Ii sizibi inga wasika awa ku cipaililo mbuli mwaalumi mukubusy i na mwanakazi, aa myaka yakukomena ili kkumi ayone, alimwi inga bakuletelia zyakulya zyako okuno, elyo inga woompolweda Mwami, kusikila waba a myaka ili makumi ali fuka yakukomena, inga to futulwa. Pele weeblede kutambilula lutaanzi eco Nca kakucitila. Mwabona? We elede ku cizumina, lwako. Mpawo cindi wa cizumina, mpawo Walo Mupaizi Mupati, sikwiiminina, ku kubamba nkcombeleyo aa kulyaambilila kwako kwa ceeco nco syoma.

¹⁶⁹ Lino eco ncintu nciconya ku cipego nzila eyi. Nku gusya mizeezo yako kuli nduwe, elyo mpawo kubona eco Nca amba kucita.

¹⁷⁰ Nda bona bantu kaba boola ku cibumbili, bala sotauka koonse akoonse a kukwiila, a kwaamba, “Oh, Mukwesu Branham, Ndi jisi lusyomo loonse mu inyika.” Ino ucita nzi atala awa, kai? Mwabona? Oko—oko nku limvwa, a kutali lusyomo.

¹⁷¹ Lusyomo lwini talu zyi kuzundwa. Lwa kacita kale. Kwa mana kale. Leza wakaamba booboo, nkabela eco cila cimanizya, nywebo mwabona. “Leza wakaamba booboo!” Lino ncintu nciconya, kufumbwa ciindi. Cindi wa cisyoma ncobeni, eco cila Mu guma.

¹⁷² Lino oyo mwanakazi muniini waka guma cikobela Cakwe, waa kati, “Ikuti Nda pele kuguma buyo cikobela Cakwe, Ndiyo ponesegwa,” nkabela waa kacicita. Elyo cindi naka zwidilizya eco lusyomo lwakwe ncolwa kali kuyanda kuti acite, “ku luguma,” Wa kalumvwa, mwabona, elyo Wa kavuuluka a kukanana kuli ngewe.

¹⁷³ Lino, Ngu mbobuca nguwenya, sunu, amuya myaaka. Ikuti na moyo syoma buyo Kristo, amusyome! Lekela lusyomo lwako

kuguma cikobela Cakwe. Elyo Walo, ndyoonya lino, walo Mupaizi Mupati ukonzya kugumwa kwiinda kukulimvwa kwa kulengauka kwesu. Toonse tu lizi obo. Elyo ikuti na Ngu mbobuca nguwenya, sunu, amuya myaaka, Uyo elela kucita sunu mbuli Mbwa kacita jilo ikuti na Walo Mupaizi Mupati nguwenya. Lino sa mula cisyoma? Amube buyo a lusyomo muli Leza.

¹⁷⁴ Ikuti na Nda mwaambila bubeji, nkokuti Leza tako busimpikizya. Pele na Nda mwaambila Bwini, Uyo—Uyo Bu simpikizya. Uli sinikizidwe kusimpikizya Bwini.

¹⁷⁵ Jesu wakati, “Ndi jisi bumboni.” Elyo bumboni ndi Ijwi ly a Leza, mubwini. Kati, “Ngaayo Magwalo alungulula Ndime. Ikuti na taa Ndi lunululi, nkokuti muta cisyomi.” Mwabona?

¹⁷⁶ Elyo ikuti na Magwalo ta api bumboni kuli ceeco Nce mwaambila lino, kuti, “Ngu mbobuca nguwenya, sunu, amuya myaaka,” mpawo muta syomi Lugwalo. Nkaambo, Lugwalo lwakati Mbwa kabede, alimwi Wa kasyomezya zintu ezi ku bukkalo obu bwamamanino. Amuyeeye, kumamanino buyo aa bukkalo bwaba Juda, obo Mbwa liyubununa Mwini, Mesiya. I mamanino aa i—i bukkalo bwa Basamariya, Wa kacita mbubonya. Lino calo mamanino aa bukkalo bwa Bamasi. Ngu mbobuca nguwenya, sunu, amuya myaaka.

¹⁷⁷ Amu Mu sinsimune mu manjezeeza anu, ku Mwi ita aa cilao, kuciindi notu kotamika mitwe yesu.

¹⁷⁸ Taata Wakujulu, Ijwi buyo kuzwa kuli Nduwe lino kulaba akunji, Ci yooba coonse nco tuyanda, Ijwi buyo kuzwa kuli Nduwe. Akube kuti bantu bamwwisye kabotu eco kuzwidilila, eco nco tusola kucita, Mwami, nku—nku balekela kujana zyoolwe zya Mwami Jesu ezyo nzyo bayanda a kubelekela, akube kuti bacitie sunumasiku, Mwami, nkaambo lufu Lwako tilwa kali muli cabuyo, Wa “kayaswa nkambo ka nsotoko zyesu, kacuzaulwa nkambo ka mulandu wesu, kukomwa kwa luumuno lwesu kwakali ali Nguwe, elyo ku mibunda Yakwe twa kaponesegwa.” Nda komba, Leza, kuti bantu boonse omuno, mu Busyu bwa Buleza, uyo mvwisya eci a kuyo jana cilengaano, alimwi uyo ponesegwa ku bulemu bwa Leza. Kwiinda mu Zina ly a Jesu Kristo, Nda lipa lwangu a mbunga eyi, ku lulemeko a bulemu Bwakwe. Ameni.

¹⁷⁹ Lino amubatame maningi, kwa maminiti buyo masyoonto. Lino Ijwi buyo kuzwa kuli Nguwe liyoamba kunji kwiinda koonse Nkwé konzya kwaamba, na oonse umbi wakali kukonzya kwaamba, nkaambo Nguwe kacicita. Ngo Nguwe. Ngu Sikucita, alimwi tula syoma kuti i—i Mwami Jesu uyo pa zintu ezi kuli ndinywe lino, umwi aumwi.

¹⁸⁰ Lino atu bone kuti nciindi nzi. Nse kazi kuti cakali boobo. Nda mwaambila, kuzwa awa aa ciindi, eco nco tweede kucita, ta tujisi ciindi ca kuleta mundando oyu. Atu twiite ncobeni kuzwa ku bbunga.

¹⁸¹ Lino atu bweze buyo Lugwalo, aniini buyo. Lino zisyomezyo zya Bbaibbele, mu buzuba buno, kuti kuloolola kwa Sodoma a Gomora ziyo loolola. Mbangaye basyoma boobo lino, tambika janza lyako? I Bbaibbele lila zibya eco lino.

¹⁸² Elyo mpawo cakali cinzi eco ku Sodoma a Gomora? Wa kali Leza mu ciimo ca muntunsi. Elyo nzila Abrahamu mbwa ka ciziba, ndeelyo Na kati, “Nkaambonzi Sarah waseka mu tente, kunze? Na, nkaambonzi nca kacizumbaunya, Majwi ayo Nga kakanana kuba boobo?” Wa kali kukonzya kuziba eco Sarah ncakali kuyeeya, kunze Lyakwe. Lino nywebo amubone buyo ikuti na eco tii cakaliko.

¹⁸³ Lino, eco tii cakali ku mbungano ya Babuloni, na mbungano ya Sodoma. Peepe, peepe. Eco tii cakali kuli balo bantu kunselelo kuya mu zyuuno zyatubungwe. Peepe, munene, taakwe kwiinka kuli mbabo. Ba kajana mutumwa wabo. Mwabona?

¹⁸⁴ Pele ku Mbungano yakasalwa, lunyungu lubotu maningi lwa Abrahamu olo lweelede kusyoma Ijwi kakutakwe kulanganya ziimo mbozibede, “Abrahamu wakaita zintu ezyo zyatakaliko mbuli kuti zyakaliko.” Leza wakaamba boobo, elyo Wa kacisyma. Lino, mweenzuma, Ndi—Ndi lizi kuti Leza ulisinikizidwe ku Ijwi eli, ku Li bamba.

¹⁸⁵ Lino Ndi yanda ndinywe, kufumbwa nko mubede mu buyake, ku kubatama kwa kaindi kaniini, kufumbwa nko mubede. Elyo kosyoma, kosyoma buyo a moyo wako oonse.

¹⁸⁶ Lino ikuti na Nda konzya kukuponya, ikuti na Nda konzya kuponya musimbi oyu muniini oyo moyo wangu ngwa inka, ikuti na Nda konzya kuponya cintu eco ciniini ka cibikkidwe alya, Inga—Inga—Inga nda—Inga nda kalaba kuzwa awa kusika ku Northi Poo, ikuti na Nda konzya, ku cicita, na kufumbwa muntu oyo uujisi kulimvwa kumwi kwa muntunsi. Pele Nse konzyi buyo kucita eco kwiinda cintu. Ndiza bamwi banu tamu kaponi pele kusyonto, ku kkulenge. Ikuti na Nda konzya kukuponya, inga Nda ba... Inga tee ndakonzya kweelela kwiima mu cibumbili eci ikuti na Nda konzya kucicita alimwi kuta cicita. Lino, inga Nse konzya. Moyo wangu ula mwiinkila. Inga ndacicita ikuti na Nda konzya, pele Nse konzyi. Kunyina muntu umbi ukonzya kucicita. Mbo mbubo. Pele, nywebo mwabona, Jesu waka cicita kale. Mwabona? Elyo Walo usola buyo ku kubamba kusyoma ceeco. Pele nywebo...

¹⁸⁷ Nda usa ku bantu. Kwakali zintu zinji loko zya kaofwaazyra ncobeni, nzila *eyi* a nzila *eyo*, mane, bantu bacete, mbuli mbelele zitakwe mweembezi, nokuceya. Ta bazi cakucita. Umwi waamba *ceeci* a umwi waamba *ceeco*. Muta yeeyi eco muntu nca kaamba. “Mazuba aa maleele akamana. Kwiina cintu cili boobo mbuli lubapatizyo lwa Muuya Uusalala.”

¹⁸⁸ Elyo, amuyeeye, Petro wakati, aa Buzuba bwa Pentekoste, "I cisyomezyo cili kuli ndinywe a ku bana banu, a kuli baabo bali kulaale, abalo boonse Mwami Leza wesu mba yoita." Mwabona?

¹⁸⁹ Jesu wakasyomezya zintu ezi kuti ziyo citika mu mazuba aakumamanino, kuti Leza uyo bweeda mu ciimo ca mubili wabuntunsi, mbuli ndinywe a Ndime okuno sunumasiku, a kucita cintu eco nciconya inyika kiitana kuyo nyonyoonwa. Elyo inyika iyooba mbuli Sodoma. Mwabona? Lino tu jisi ciimo ca Sodoma kabotu; cuuno coonse, muntu aumwi, zintuzyonse zikkede kabotu ncobeni.

¹⁹⁰ Lino sa lusyomo lwesu talu konzyi kuboola kuli ceeco? Sa inga twa Mwiita aa cilao? Ku Mwiita aa cilao. Lusyomo lwako nce cintu cilikke cikonzya kucicita. Lino kosyoma a moyo wako onse, umwi aumwi wanu lino.

¹⁹¹ Elyo Ndi yanda kumubuzya cintucimwi. Kakutakwe makkaadi aamipailo amwi,...-muntu uli oonse atala awa, ikuti na oyo Muuya Uusalala mulemu uyo seluka awa, alimwi ku kunanika nduwe a kunanika ndime, alimwi uyo zibya kuti Jesu Kristo uli mukubeleka akati kesu mbuli obu, ino nkunji buti Nkwa konzya kucita? Taakwe cisyomezyo cimbi mu Bbaibbele, atala lya ceeco. Eco ncisyomezyo cipati. Mbangaye bazi booboo? Masimpe, mbo cibede. Calo i—calo ncintu camamanino ku bukkalo bwa mbungano.

¹⁹² Iba Juda, mu ciindi ca mwaakwe wa Mapenzi mapati, alimwi aa i...kuya ba jisi i—i kuswaya kusule kuya, pele kutali ku mbungano ya Bamasi.

¹⁹³ Eci ncintu camamanino caka syomezegwa kuli Bamasi. Nca bwini. Mwabona, bakali Bamasi kumusanza okuya mu Sodoma, bakali kuyo tentwa. Elyo kuti, ngooyu i—i Nabwiinga, oyo wakali Lunyungu lwa Bwami ilwa Abrahamu, mukuba Nabwiinga wakaitwa kuzwa akati ka Bamasi. Eco nce citondezyo cabo camamanino, coonse caco.

¹⁹⁴ Amu celembe mu bbuku lyanu. Ndili mudaala. Pele amu cilembe buyo mu bbuku lyanu a kubona ikuti na ca boola kucitika, na pe. Mwabona, uli kumamanino lino. Lili? Ta ndizi. Ndila Mu langila sunu. Ikuti na Tako sunu, Ndino Mu langla juunza. Ikuti na Tano liko juunza, Ndino langa buzuba butobelaa. Ikuti na Tano liko mwaka uno, Ndino Mu langila mwaka. Ndi lizi Ula boola. Nse zyi miniti na oora, pele Ndi lizi kuti zintuzyonse zya zulizigwa, kulibambilaa ku Kukwempwa. I Mbungano yaitwa kuzwa. Kuyooba kwiinka kwa kaziye; kuzimaana buyo, alimwi oko kuyooba konse.

¹⁹⁵ Elyo inyika ila zumanana ncobeni mbubonya buyo, bantu kabakambauka, a bantu kabayeeya kuti bali mukufutulwa, mbubonya buyo mbo bakacita mu mazuba akwa Nowa, abumwi bumbi. Nowa waka njila mu bwaato, nkabela bantu baka zumanana ncobeni, nkabela nyika yakali kuzunguluka

mbubonya buyo. Amu ciyeeye! Elyo, kusweeka Cabutamani, kabayeyaa kuti bakafutulwa.

¹⁹⁶ Bumwi bwa mazuba aya Ndiyo leta tente pati mu cisi eci, a kuli waala awa, aboobo inga twaba a miswaangano ya masikati, a malailile, kutegwa mumvwisye zintu ezi kabotu. Kubikka baakwesu boonse antoomwe kutegwa twa konzya kuba amiswaangano.

¹⁹⁷ Lino ikuti na Jesu Kristo wazulizya cisyomezyo Cakwe, nkokuti tuli sinikizidwe ku Mu syoma. Ndi yanda ndinywe nyoonse, umwi aumwi wanu, kuba buyo a lusyomo lubombe mbuli lwa mwana, ku Mu syoma.

¹⁹⁸ Lino mbuli kuti ubaanga watalika buyo a mitwe yanu kiikoteme, a katalika kukomba, kwaamba, "Mwami Jesu, lino Ndi lizi kuti oyu muntu ta ndizi pe. Elyo Ndili bulide. Elyo twa kaambilwa kuti Uli Mupaizi Mupati ukonzya kugumwa kwiinda kukulimvwa kwa kulengaaka kwesu. Ikuti na Uyo mulekela buyo... Ikuti na Nda konzya ku Kwaampa, koamba buyo kwiinda muli nguwe, Mwami, kuti Ndiyo, Ndi lizyi zyakwe... kuziba kuti Nduwe. Ndi lizyi ta ndizi pe."

¹⁹⁹ Elyo nkookuya mu bbunga, mu bbunga isangene ncobeni; zya buzumini, kutasyoma, kulicengeezya; basizibi, musalali, a boonse antoomwe.

²⁰⁰ Lino mweelede kusyoma. Lino ikuti na Uyo cita eci kuzwa ku baswiilizi aba okuno, Ndi yanda umwi aumwi wanu omuno, kwaamba, "Mukwesu Branham, Ndi—Ndi lizi kuti—kuti oyo weeblede kuba Nguwe uulanga aa mbunga mbuli Mbwa kacita kaindi." Ndi yanda ndinywe, ikuti na moyo syoma ncobeni, Ndi yanda kuti mu tambike maanza anu, kwaamba, "Mwami, Ndiyo citambula a moyo wangu oonse, kuti Nda syoma ngu Kristo Jesu, kweendelana ku cisyomezyo Cakwe." Koonse ku buyake. Leza amu longezye. Eco ncibotu. Oh, ncibi buyo loko kuti tatu jisi mweezi wakuba abusena awa. Mwabona, amulekele buyo... Ndili mupya kuli ndinywe. Mwabona, nciyumu. Amu zumanane buyo kusyoma.

²⁰¹ Lino, walo Mumuni. Leza Mumuni, tu lizi obo, Musumpululu wa Mulilo. Elyo lino amukombe buyo a ku Ci guma, alimwi akube kuti Mwami Jesu avwiile.

²⁰² Lino Nda bweza myuuya yoonse omuno ku bweendelezi bwangu, mu Zina lya Jesu Kristo, ku bulemu Bwakwe. Lino amubatame maningi. Amukombe. Amubatame ncobeni.

²⁰³ Lino, ngooyu Mbo ubede. Ngooyo mulindu nkoonya okuno kumbele lyangu. Ujisi mutwe wakwe aansi, alimwi ukombela penzi lyakwe mwini. Ikuti na uyanda kubusya mutwe wako lino, uli mpoonya awa kumbele lyangu. Sena ula syoma a moyo wako oonse? Sena ula syoma kuti Leza inga waponya dayabetisi a ku kubamba kuba kabotu? Lino, obo mbo jisi, dayabetisi. Nse kuzyi. Uli mweenzu cakumaninina kuli ndime. Pele sena ula

ndisyoma kuba mulanda Wakwe? Ikuti—ikuti na tuli beenzu kuli umwi aumwi, tambika janza lyako, mbuli *boobo*, kutegwa bantu babone. Wabona? Yaa. Mwabona, ngooyu mulindu. Elyo lino uciswa cilwazi dayabettisi. Elyo ula syoma kuti Leza inga wandaambila kuti nduweni? Sa inga cakubamba kusyoma? Nduwe Muka. Martin. Ikuti na mbo mbubo, tambika janza lyako. Wabona? Koba buyo a lusyomo. Uta zumbauzyi. Koba a lusyomo.

²⁰⁴ Lino ino waguma nzi? Ndi yanda kubuzya nkamu yabantu. Ino waa guma nzi? Kuli mwanakazi ujisi janza lyakwe lyalulyo, a lyangu, awalo, kumbele lya Leza. Mwabona? Waa guma Cintucimwi. Mwanakazi buyo muubauba mubombe, mubwini ku, kwalo kumwaambila kasimpe, eno mula bona na obu mbwini, camu gambya. Taa kazi kuti ujisi lusyomo olo lunji. Lusyomo tacili cintu cimwi nco panga; ncintu cimwi nco jisi. Mwabona? Waa gambwa. Nekuba ndyoonya lino mwanakazi ulimvwa bwandeene kwiinda mbwa kacita maminiti masyoonto aindia. Walo ulizi cintucimwi cakacitika kuli nguwe.

²⁰⁵ Awa, sa tamu boni Mumuni oyo? Mbubo. Mwa Ubuna mpoonya awa atala lya mwanakazi oyu mpoonya awa, nkoonya kusule awa? Walo uciswa ii... Walo ujisi mutwe wakwe ansi. Walo ulapaila. Pele uciswa penzi lya musana wakwe. Ikuti na uyo syoma a moyo wakwe oonse, inga waa ponesegwa ku penzi eelyo lya musana. Masimpe.

²⁰⁶ Walo ula ciimpya, mbuli masimpe mbuli cintu cili coonse. Mwabona, mupailo wakwe ucizumanana kweenda. Mwami, ndi gwasye. Muka. DeVille, ndo nduwe. Olo nduzyalo. I mwanakazi wakali kukomba, takali kuyeeya akwalo, uta soli kundimvwa kwaamba cintu. Lino amu mubuzye ikuti na uli ndizi. Oyo ngo nguwe mbwabede, alimwi eelyo nde penzi lyakwe.

²⁰⁷ Aboobo ino waa guma nzi? Oko nkusimpikizigwa kwa Jesu Kristo, Ijwi, lila tweluka miyeeyo ili mu moyo.

²⁰⁸ Sena mula syoma? Mube buyo a lusyomo. Mukombe, kuli koonse. Musyome buyo. Nku koonse nko mweelede kucita. Musyome buyo, musyome buyo kuti Nda mwaambila Bwini. Lino, Nseli Nguwe. Ndili mulanda Wakwe buyo, mulanda Wakwe buyo.

²⁰⁹ Ikuti na inga mwaba buyo a lusyomo lukubwene! Nse konzyi ku mwiita. Ndi lizi penzi lyakwe, pele, mwabona, lindila buyo kaindi elyo ambweni liyo cinca. Nee ncobeni kutayuma, pele weelede kuzwa mu bbulakketi eyo. Ta konzyi kuli syomena mwini. Weelede ku musyomena.

²¹⁰ Ii mulindu uciswa penzi lya nsa. Ta zwi kokuno pe. Walo uzwa ku Mississippi. Uyo syoma a moyo wakwe oonse, Leza uyo ponya penzi lya nsa. Muka. Palmer, ikuti na wasyoma a moyo wako oonse, inga waponesegwa kuli ncico. Ca lyakuleka.

Kwamunikwa Mumuni ali nguwe. Lya zwa kuli nguwe. Koba a lusyomo muli Leza. Uta zumbauzyi.

²¹¹ Ngooyo mulindu ukkede nkoonya munsi lyakwe. Walo uciwa coondamazwi. Sena ula ndisyoma kuba musinsimi wa Leza, mulindu? Ula cita na? Sena ula syoma ikuti na Leza uyo ndaambila kuti nduweni, sa eco ciyo kugwasya kusyoma? Zina lyako nduwe Muka. Meadow. Ula syoma a moyo wako oonse lino, ula konzya kuponesegwa, ayebo.

²¹² Oyo wakajata mulilo ku mulindu munsi lyakwe. Uli kkede alya, awalo. Ngooyo Uya bweenda, moonya mu mundando. Ii mulindu ukkede awo, uciwa... Munsi kuli nguwe, uciwa dayabettisi, shuga dayabettisi. Ba yanda kuti akaunke ku cibbadela, pele ula kaka kucicita. Walo ujisi mwana ngwa kombela, awalo. Oyo mwana tako ano, pele sena ula syoma kuti Leza inga wandaambila eco cilubide ku mwana oyo? Ujisi penzi lya moyo. Ula syoma, nkabela Uyo kuponya. Sena ula syoma kuti Leza inga wandaambila kuti nduweni? Muka. Dufflee, Du, bobilo ba f, l, bobilo ba e. Kumwi kwa... Mbo mbubo. Sa mbo mbubo, tambika janza lyako, a maanza ako mujulu. Ncibotu. Lino ula syoma, alimwi ula konzya kuba kabotu, ayebo.

²¹³ Sena mula syoma kuti eco nce cintu nciconya eco... Mula syoma kuti Busyu bwa Jesu Kristo buli ano lino? Mbangaye batambula ceeco? Oh, ino mbukwabilizi! Ino mbukwabilizi!

²¹⁴ Mwabona, ncinzi nco kacita? Wa ka Mu sinsimuna. Wa ka Mu leta aa cilao. Ngooyu Uli aa cilao. Lino, ta cibambi lwandaano lumwi eco kaato mbo kaamba. Amuyeeye, Ula konzya kwaamba kuti, "Luumuno, ka luciliko."

²¹⁵ Sena ula cisyoma a moyo wako oonse? Ikuti na wacita, koimikila ku matende ako aku citambula. Koimikila a kwaamba, "Nda cisyoma a moyo wangu oonse." Konyamuna nkoonya ku matende ako. "Nda syoma lino." Mbo mbubo, takukwe makani penzi lyako, koimikila, ko Mu lumbaizya.

²¹⁶ Taata Wakujulu, twa leta kuli Nduwe nkamu eyi ya bantu. Ba lizi kuti Uli ano, Mwami.

Akube kuti madaimona oonse, kutasyoma, akube kuti azwe kujatilila, alimwi akube kuti Jesu Kristo aponye oonse wanu.

²¹⁷ Saatani, kozwa mu bbunga eli! Mu Zina lya Jesu Kristo, wa kakwa.



KWIITILA JESU AA CILAO TNG64-0319
(Calling Jesus On The Scene)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwane mangolezya, Miyoba 19, 1964, ku Denham Springs High School mu Denham Springs, Louisiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org